

დოკუმენტის ქართული ვერსია მხოლოდ ტენდერის მონაწილეთათვის დამზადებული დოკუმენტად არის შექმნილი. შეუსაბამობის არსებობის შემთხვევაში, უპირატესობა მიენიჭება ინგლისურ ვერსიას.

თავი 1 - ინსტრუქციები პრეტენდენტებისათვის

სარჩევი

ა.	ზოგადი	1
1.	წინადადების სფერო.....	1
2.	დაფინანსების წყარო	1
3.	თაღლითობა და კორუფცია	1-4
4.	უფლებამოსილი პრეტენდენტები	1-9
5.	ნებადართული მასალები, აღჭურვილობა და მომსახურება.....	1-13
ბ.	სატენდერო დოკუმენტაციის შინაარსი	1-14
6.	სატენდერო დოკუმენტაციის თავები	1-14
7.	სატენდერო დოკუმენტების განმარტება, ობიექტის მონახულება, წინასატენდერო შეხვედრა	1-15
8.	სატენდერო დოკუმენტების ცვლილებები	1-16
გ.	სატენდერო წინადადებების მომზადება	1-17
9.	ტენდერში მონაწილეობის ხარჯები	1-17
10.	სატენდერო წინადადების ენა	1-17
11.	სატენდერო წინადადების შემადგენელი დოკუმენტები	1-17
12.	სატენდერო განაცხადი და უწყისები	1-19
13.	ალტერნატიული წინადადებები.....	1-19
14.	სატენდერო წინადადების ფასები და ფასდაკლება.....	1-20
15.	სატენდერო წინადადების ვალუტა და გადახდა.....	1-22
16.	ტექნიკური წინადადების შემადგენელი დოკუმენტები.....	1-22
17.	პრეტენდენტის კვალიფიკაციის დამადასტურებელი დოკუმენტები	1-22
18.	სატენდერო წინადადების მოქმედების ვადა.....	1-23
19.	სატენდერო წინადადების გარანტია/საგარანტიო დეკლარაცია.....	1-24
20.	სატენდერო წინადადების ფორმა და ხელმოწერა.....	1-27
დ.	სატენდერო წინადადებების წარდგენა და გახსნა	1-28
21.	სატენდერო წინადადებების დალუქვა და მარკირება	1-28
22.	სატენდერო წინადადებების წარდგენის ბოლო ვადა	1-30
23.	დაგვიანებული წინადადებები	1-30
24.	წინადადებების უკან გახმობა, ჩანაცვლება და მოდიფიცირება	1-30
25.	სატენდერო წინადადებების გახსნა	1-31

ე.	სატენდერო წინადადებების შეფასება და შედარება	1-34
26.	კონფიდენციალურობა.....	1-34
27.	სატენდერო წინადადებების განმარტება	1-34
28.	გადახრები, დათქმები და გამოტოვებები	1-35
29.	შესაბამისობის დადგენა.....	1-35
30.	არარსებითი შეუსაბამობები	1-36
31.	არითმეტიკული შეცდომების გასწორება.....	1-37
32.	ერთიან ვალუტაში გადაყვანა	1-38
33.	ადგილობრივი შეღავათი.....	1-38
34.	ქვეკონტრაქტორები	1-38
35.	წინადადებების შეფასება და შედარება.....	1-38
36.	არაადეკვატურად დაბალფასიანი სატენდერო წინადადებები	1-39
37.	დაუბალანსებელი წინადადებები, ან წინადადებები საწყის ეტაპზე ფასის ხელოვნური ზრდით.....	1-41
38.	პრეტენდენტის კვალიფიკაცია	1-42
39.	დამკვეთის უფლება მიიღოს ნებისმიერი წინადადება, ან უარყოს ნებისმიერი, ან ყველა წინადადება	1-43
40.	შეტყობინება კონტრაქტის მინიჭების განზრახვის შესახებ	1-43
ვ.	კონტრაქტის მინიჭება	1-43
41.	მინიჭების კრიტერიუმები	1-43
42.	შეტყობინება კონტრაქტის მინიჭების შესახებ.....	1-43
43.	კონტრაქტის ხელმოწერა	1-45
44.	კონტრაქტის შესრულების გარანტია.....	1-45
45.	ტენდერთან დაკავშირებული საჩივრები	1-45

ა. ზოგადი

1. წინადადების სფერო
 - 1.1 სატენდერო წინადადების წარმოდგენის მოთხოვნასთან დაკავშირებით, როგორც ეს მითითებულია სატენდერო მონაცემთა ნუსხაში (სმნ), დამკვეთი გამოსცემს სატენდერო დოკუმენტაციას სამუშაოების შესყიდვისათვის VII თავის, სამუშაოების მოთხოვნების, შესაბამისად. ტენდერის სახელწოდება, საიდენტიფიკაციო ნომერი და კონტრაქტების (ლოტების) რაოდენობა მოცემულია სატენდერო მონაცემთა ნუსხაში.
 - 1.2 წინამდებარე სატენდერო დოკუმენტში:
 - (ა) ტერმინი „წერილობით“ ნიშნავს წერილობითი ფორმით გადაცემულ ინფორმაციას (მაგ. ფოსტით, ელ. ფოსტით, ფაქსით, თუკი ეს მითითებულია სმნ-ში, ეს ასევე მოიცავს დამკვეთის მიერ გამოყენებად ელექტრონულ შესყიდვების სისტემას) რომლის მიღებაც დადასტურებულია ხელმოწერით;
 - (ბ) თუკი კონტექსტი ამას მოითხოვს, „მხოლოდითი“ გულისხმობს „მრავლობითს“ და პირიქით.
 - (გ) „დღე“ ნიშნავს კალენდარულ დღეს.
2. დაფინანსების წყარო
 - 2.1 სესხის მიმღებმა (შემდგომში “სესხის მიმღები”), რომელიც მითითებულია სატენდერო მონაცემთა ნუსხაში (სმნ), გააკეთა განაცხადი ან მიიღო დაფინანსება (შემდგომში ‘დაფინანსება’) აზიის განვითარების ბანკისაგან (შემდგომში „აგბ“) იმ ოდენობით, რაც მითითებულია სატენდერო მონაცემთა ნუსხაში აღნიშნული პროექტის ხარჯების დასაფინანსებლად, რომელიც მითითებულია სატენდერო მონაცემთა ნუსხაში. სესხის მიმღებს განზრახული აქვს ამ სახსრების ნაწილი გამოიყენოს ნებადართული გადახდების განსახორციელებლად იმ კონტრაქტ(ებ)ის ფარგლებში, რომლისთვისაც გამოიცა სატენდერო დოკუმენტაცია.
 - 2.2 აგბ-ის მიერ გადახდები განხორციელდება მხოლოდ სესხის მიმღების მოთხოვნისა და აგბ-ის მხრიდან თანხმობის საფუძველზე სესხის მიმღებსა და აგბ-ს შორის გაფორმებული საფინანსო ხელშეკრულების (შემდგომში „საფინანსო ხელშეკრულების“) პირობებისა და დებულებების შესაბამისად და სრულად ექვემდებარება ამ საფინანსო ხელშეკრულების პირობებს. არცერთ მხარეს გარდა სესხის მიმღებისა არ აქვს რაიმე უფლება ამ საფინანსო

ხელშეკრულებასთან დაკავშირებით და არ შეუძლია დააყენოს რაიმე მოთხოვნა დაფინანსებასთან დაკავშირებით.

1. **თაღლითობა და კორუფცია** 3.1 აგბ-ის ანტიკორუფციული პოლიტიკა (1998, განახლებული დღემდე) მოითხოვს სესხის მიმღებებისგან (აგბ-ის დაფინანსებული ღონისძიებების ბენეფიციარების ჩათვლით), ასევე პრეტენდენტებისგან, მიმწოდებლებისგან, და კონტრაქტორებისგან აგბ-ის დაფინანსებული კონტრაქტების ფარგლებში, ეთიკის უმაღლესი სტანდარტების დაცვას შესყიდვების და კონტრაქტების აღსრულების დროს. აღნიშნული პოლიტიკის თანახმად, აგბ
- (ა) მოცემული დებულების მიზნებისთვის, განსაზღვრავს ტერმინებს, ქვემოთ მოყვანილი სახით:
- (i) “კორუფციული ქმედება“ ნიშნავს რაიმე ღირებულის შეთავაზებას, მიცემას, მიღებას ან მოთხოვნას, პირდაპირ ან ირიბად, რაც ზეგავლენას მოახდენს რომელიმე მხარის მოქმედებაზე;
 - (ii) „თაღლითური ქმედება“ ნიშნავს ნებისმიერ ქმედებას ან უმოქმედობას, მათ შორის გაყალბებას, რაც მხარეს შეგნებულად ან დაუდევრობით შეიყვანს შეცდომაში ან წარმოადგენს შეცდომაში შეყვანის მცდელობას, ფინანსური ან სხვა სახის სარგებელის მიღების ან ვალდებულებათა შესრულებისაგან თავის არიდების მიზნით;
 - (iii) „იძულება“ ნიშნავს რომელიმე მხარის ან ამ მხარის საკუთრების დაზიანებას ან გაფუჭებას, ან დაზიანების და გაფუჭების მუქარას პირდაპირ ან ირიბად, რომლის მიზანია მხარის ქმედებაზე არამართლზომიერი ზეგავლენის მოხდენა;
 - (iv) „წინასაწარ განზრახული მოქმედება“ ნიშნავს შეთანხმებას ორ ან მეტ მხარეს შორის, რომელიც გამიზნულია არამართლზომიერი შედეგის მისაღწევად, მათ შორის სხვა მხარის ქმედებაზე არამართლზომიერი ზემოქმედების მიღწევის მიზნით;

- (v) “ზოროტად გამოყენება” ნიშნავს აგბ-ს საქმიანობასთან დაკავშირებული აქტივების მოპარვას, გაფლანგვას, ან არასათანადო გამოყენებას, განზრახ, ან უხეში დაუდევრობის შედეგად;
- (vi) “ინტერესთა კონფლიქტი” ნიშნავს ნებისმიერ სიტუაციას, რომელშიც მხარეს გააჩნია გარკვეული ინტერესები, რამაც შესაძლოა არასათანადო ზემოქმედება მოახდინოს აღნიშნული მხარის მიერ ოფიციალურად განსაზღვრული მოვალეობების, თუ პასუხისმგებლობის, საკონტრაქტო ვალდებულებების შესრულებასა, თუ მოქმედ კანონებთან და რეგულაციებთან შესაბამისობაზე;
- (vii) „ობსტრუქციული ქმედება“ ნიშნავს (ა) წინასწარი განზრახვით აგბ-ს გამოძიებისთვის მნიშვნელოვანი მტკიცებულებების განადგურებას, გაყალბებას, შეცვლას ან მიჩქმალვას, ან აგბ-ს გამოძიებისათვის არასწორი ინფორმაციის მიწოდებას, გამოძიებისთვის ხელის შეშლის მიზნით; (ბ) რომელიმე მხარის მიმართ განხორციელებულ მუქარას, დევნას ან შანტაჟს, რაც მიზნად ისახავს აღნიშნული მხარის მიერ გამოძიებასთან დაკავშირებული საქმის დეტალების შესახებ ინფორმაციის გამჟღავნების ან აგბ-ს გამოძიებასთან თანამშრომლობის ხელის შეშლას, ან (გ) განზრახ ქმედებას, რაც მიზნად ისახავს აგბ-ს მიერ აუდიტის განხორციელების, ან ინფორმაციის შემოწმების, თუ ინფორმაციაზე წვდომის კონტრაქტით განსაზღვრული უფლების ხელშეშლას; და
- (viii) “ანტიკორუფციული დარღვევა” გულისხმობს აგბ-ს ანტიკორუფციული და სახელმძღვანელო პრინციპების (2015 წ. გამოცემა, დროთა განმავლობაში შესული ცვლილებების ასახვით) საფუძველზე განსაზღვრულ ნებისმიერ საქმიანობას, რაც არღვევს აგბ-ს

ანტიკორუფციულ პოლიტიკას, ზემოთ წარმოდგენილი ((i)-(vii)) პუნქტების და შემდეგი საკითხების ჩათვლით: აგბ-ს სანქციების დარღვევა, შურისძიება განგაშის ამტები პირების, ან მოწმეების წინააღმდეგ და აგბ-ს ანტიკორუფციული პოლიტიკის დარღვევა სხვა მიზეზით, უმაღლეს ეთიკურ სტანდარტთან შეუსაბამობის ჩათვლით.

(ბ) უარყოფს წინადადებას, თუკი დაადგენს, რომ კონტრაქტის მინიჭებისთვის რეკომენდირებული ტენდერის მონაწილე, პირდაპირ ან აგენტის საშუალებით, შემჩნეულია კორუფციულ, თაღლითურ, იძულებით ან ობსტრუქციულ საქმიანობაში, ან ანტიკორუფციული პრინციპების სხვა სახით დარღვევაში, შესაბამისი კონტრაქტის მოპოვების მიზნით;

(გ) კონტრაქტისთვის გამოყოფილი დაფინანსების ნაწილს გამოაცხადებს ბათილად, თუ დაადგენს, რომ სესხის ამღების, ან აგბ-ს დაფინანსების მიმღების (ბენეფიციარის) წარმომადგენლები ჩართულები არიან კორუფციულ, თაღლითურ, იძულებით და ობსტრუქციულ საქმიანობაში, შესყიდვების, ან კონტრაქტის განხორციელების პროცესში, იმ შემთხვევაში, თუკი სესხის ამღები არ მიმართავს აგბ-სთვის დამაკამაყოფილებელ დროულ და აუცილებელ ქმედებებს, აღნიშნულ არამართლზომიერ მოქმედებათა აღსაკვეთად;

(დ) აგბ-ს ანტიკორუფციული პოლიტიკის და შესაბამისი პრინციპების და სახელმძღვანელოების შესაბამისად, აღნიშნული (არამართლზომიერი) მოქმედებების აღკვეთა კომპანიას, ან ინდივიდს დაეკისრება ნებისმიერ დროს, და კომპანია, ან ინდივიდი განუსაზღვრელი ვადით, ან კონკრეტული პერიოდის განმავლობაში გამოცხადდება არაუფლებამოსილად, რომ მიიღოს მონაწილეობა¹ აგბ-ს დაფინანსებით, ადმინისტრირებით, ან მხარდაჭერით განხორციელებულ პროექტებში, ის ასევე ვერ მიიღებს ფინანსურ თუ სხვა სახის სარგებელს აგბ-ს დაფინანსებით, ადმინისტრირებით, ან მხარდაჭერით განხორციელებული კონტრაქტიდან, თუკი ნებისმიერ დროს, დადგინდება, რომ

¹ იქნება ეს კონტრაქტორი, ქვეკონტრაქტორი, კონსულტანტი, მწარმოებელი, მომწოდებელი, მომსახურების მომწოდებელი, თუ სხვ. (დასახელებები განსხვავდება კონკრეტული სატენდერო დოკუმენტის მიხედვით).

კომპანია, ან ინდივიდი, პირდაპირ ან აგენტის საშუალებით, ჩართულია კორუფციულ, თაღლითურ, იძულებით ან ობსტრუქციულ საქმიანობაში, ან ანტიკორუფციული პრინციპების სხვა სახით დარღვევაში; და

(ე) ექნება უფლება მოითხოვს, რომ სატენდერო დოკუმენტებში და აგბ-ს მიერ დაფინანსებულ კონტრაქტებში შეტანილ იქნას დებულება, რომელიც დაავალდებულებს ტენდერის მონაწილეებს, მომწოდებლებს და კონტრაქტორებს, რომ უზრუნველყონ აგბ-ს, ან მისი წარმომადგენლის შეუფერხებელი დაშვება სატენდერო წინადადების წარმოდგენასთან და კონტრაქტის შესრულებასთან დაკავშირებული ყველა ანგარიშის, ჩანაწერისა და სხვა დოკუმენტების ინსპექტირებისათვის, და ბანკის მიერ დანიშნულ აუდიტორებს მისცენ აუდიტის ჩატარების უფლება.

3.2 აგბ-სთან დაკავშირებული საქმიანობის მონაწილე, ან აღნიშნულ საქმიანობაში ჩართული ტენდერის ყველა მონაწილე, კონსულტანტი, კონტრაქტორი, მომწოდებელი და სხვა მესამე მხარე, ვალდებულია, რომ სრულყოფილად ითანამშრომლოს და ჩართული იყოს ნებისმიერ სკრინინგსა, თუ გამოძიებაში, თუკი ამას მოითხოვს აგბ. აღნიშნული თანამშრომლობა მოიცავს, მაგრამ არ არის შეზღუდული შემდეგით:

- (ა) მზადყოფნა გასაუბრებისთვის და სრულყოფილი და სიმართლის ამსახველი პასუხების გაცემა ყველა დასმულ კითხვაზე;
- (ბ) აგბ-ს უზრუნველყოფა ნებისმიერი, (ბანკის მიერ) მოთხოვნილი ინფორმაციით, რაც ექვემდებარება შესაბამისი მხარის კონტროლს და რაც მოიცავს, მაგრამ არ არის შეზღუდული დოკუმენტებით და სხვა ფიზიკური საგნებით;
- (გ) აგბ-ს წერილობითი თხოვნა, რაც აძლევს სხვა უწყებებს უშუალოდ აგბ-სთვის აღნიშნული ინფორმაციის მიწოდების უფლებამოსილებას, თუ ხსენებული ინფორმაცია კონკრეტულად და მატერიალურად,

პირდაპირ, თუ ირიბად, დაკავშირებულია აღნიშნულ უწყებებთან ან საკითხებთან, რც გამოძიების საგანს წარმოადგენს;

- (დ) თანამშრომლობა ყველა დასაბუთებული მოთხოვნის საპასუხოდ, პერსონალური და/ან სამუშაო ტერიტორიის ფიზიკური შემოწმების, ან ძიების პროცესში, მათ შორის, აგბ-ს საქმიანობის შესრულებისას გამოყენებული ფაილების, ელექტრონული მონაცემთა ბაზის და პერსონალი საკუთრების მოძიების და/ან შემოწმებისას, აღნიშნული ასევე ეხება აგბ-ს საინფორმაციო და საკომუნიკაციო ტექნოლოგიების რესურსების, ან სისტემების (მათ შორის მობილური ტელეფონების, პერსონალური ელექტრონული მოწყობილობების და გარე მეხსიერების (დისკების) მსგავსი ელექტრონული მოწყობილობების) გამოყენებას;
- (ე) თანამშრომლობა აგბ-ს მიერ მოთხოვნილ ნებისმიერ ტესტირებასთან დაკავშირებით, მათ შორის, შემდეგ საკითხებთან მიმართებაში: თითის ანაბეჭდის იდენტიფიკაცია, ხელწერის ანალიზი და ფიზიკური გამოკვლევა და ანალიზები; და
- (ვ) აგბ-სთან განხილული ყველა ინფორმაციის კონფიდენციალურობის გაფრთხილება და დაცვა, აგბ-ს მოთხოვნის შესაბამისად.

3.3 ტენდერის ყველა მონაწილემ, კონსულტანტმა, კონტრაქტორმა და მომწოდებელმა უნდა უზრუნველყოს აგბ-სთან დაკავშირებულ საქმიანობაში ჩართული, ან აღნიშნულ საქმიანობაში მონაწილე ქვეკონსულტანტების, ქვეკონტრაქტორების და მესამე მხარეების მიერ, შესაბამისი ვალდებულების აღება და სრულყოფილი თანამშრომლობა და ჩართულობა ნებისმიერ სკრინინგსა, თუ გამოძიებაში, თუკი ამას მოითხოვს აგბ.

3.4 აქვე, დამკვეთი ტენდერის მონაწილეს აცნობებს, რომ ტენდერის მონაწილემ, ან ტენდერის მონაწილის ერთობლივი საწარმოს პარტნიორმა (ასეთი მოცემულობის შემთხვევაში) შესაძლოა ვერ მიიღოს ანაზღაურება კონტრაქტის ფარგლებში, თუ ტენდერის

მონაწილე, ან მისი ერთობლივი საწარმოს რომელიმე პარტნიორი, დანამდვილებით არის ისეთი პირის, ან უწყების საკუთრებაში (მთლიანად, ან ნაწილობრივ), რომელიც დაქვემდებარებულია მოქმედ სანქციებს.

3.5 გარდა ამისა, ტენდერის მონაწილეები უნდა იცნობდნენ კონტრაქტის ზოგადი პირობების 28.3 და 73.2 (i) დებულებებს

4. უფლებამოსილი პრეტენდენტები

4.1 ტენდერის მონაწილეთათვის ინსტრუქციების (ITB) 4.5 პუნქტის შესაბამისად, ტენდერის მონაწილე (პრეტენდენტი) შეიძლება იყოს ფიზიკური პირი, იურიდიული პირი, ან სახელმწიფო უწყება, ან მათი კომბინაცია ოფიციალური განზრახვით, რომ მოხდეს შეთანხმების გაფორმება, ან არსებულ შეთანხმებაში შესვლა, ერთობლივი საწარმოს ფორმატით. ერთობლივი საწარმოს შემთხვევაში:

(ა) ყველა პარტნიორს ეკისრება პასუხისმგებლობა ერთობლივად და ცალ-ცალკე; და

(ბ) ერთობლივი საწარმო დაასახელებს წარმომადგენელს, რომელსაც ქნება საქმიანობის წარმართვის უფლებამოსილება ერთობლივი საწარმოს რომელიმე და ყველა წევრის სახელით - სატენდერო პროცესში და კონტრაქტის ერთობლივი საწარმოსთვის მინიჭების შემთხვევაში, კონტრაქტის განხორციელების დროს.

4.2 ტენდერის მონაწილეს და ტენდერის მონაწილის შემადგენლობაში არსებულ ყველა წევრს (მხარეს) უნდა ჰქონდეს უფლებამოსილი ქვეყნის მოქალაქეობა, მე-5 ნაწილის (უფლებამოსილი ქვეყნები) შესაბამისად. ტენდერის მონაწილე იმ შემთხვევაში ჩაითვლება ქვეყნის მოქალაქედ, თუ ტენდერის მონაწილე დაფუძნებული, გაერთიანებად ჩამოყალიბებული, ან დარეგისტრირებულია ამ ქვეყანაში და მოქმედებს ამ ქვეყნის კანონმდებლობის შესაბამისად. ეს კრიტერიუმი ასევე გამოყენებული უნდა იქნას შეთავაზებული ქვე-კონტრაქტორების ან მომწოდებლების ეროვნების დასადგენად, კონტრაქტის ნებისმიერი ნაწილისთვის, მასთან დაკავშირებული მომსახურებების ჩათვლით.

4.3 ტენდერის მონაწილეს არ უნდა ჰქონდეს ინტერესთა კონფლიქტი. ტენდერის მონაწილე, რომელსაც ექნება ინტერესთა კონფლიქტი, დისკვალიფიცირებული იქნება. მიიჩნევა, რომ ტენდერის მონაწილეს აქვს ინტერესთა კონფლიქტი ტენდერის ერთ ან რამდენიმე სხვა მხარესთან სატენდერო პროცესის დროს, მათ შორის, ქვემოთ წარმოდგენილი საკითხების მოქმედებისას, (კერძოდ), თუ:

- (ა) მათ ჰყავთ საერთო მმართველი პარტნიორები; ან
- (ბ) მათგან ისინი იღებენ, ან მიიღეს სუბსიდიები - პირდაპირ, ან ირიბად; ან
- (გ) ჰყავთ ერთიდაიგივე იურიდიული წარმომადგენელი, მოცემულ სატენდერო წინადადებასთან მიმართებაში; ან თუ
- (დ) აქვთ ურთიერთობა ერთმანეთთან, უშუალოდ ან საერთო მესამე მხარის საშუალებით, რაც მათ აძლევს წვდომას მატერიალურ ინფორმაციასთან, ან შესაძლებლობას, რომ მოახდინონ ზეგავლენა სხვა ტენდერის მონაწილის სატენდერო წინადადებაზე, ან დამკვეთის გადაწყვეტილებაზე აღნიშნულ სატენდერო პროცესთან დაკავშირებით; ან
- (ე) თუ ტენდერის მონაწილე მონაწილეობს აღნიშნული სატენდერო პროცესის ერთზე მეტ სატენდერო წინადადებაში - ინდივიდუალურად, ან ერთობლივი საწარმოს პარტნიორის სახით, გამონაკლისს წრმოადგენს მხოლოდ სატენდერო დოკუმენტის ტენდერის მონაწილეთათვის განსაზღვრული ინსტრუქციების მე-13 პარაგრაფით დაშვებული ალტერნატიული შემოთავაზებები. სხვა შემთხვევაში, აღნიშნული განაპირობებს მონაწილეობის მიმღები ყველა სატენდერო წინადადების დისკვალიფიკაციას. თუმცა, ინტერესთა კონფლიქტთან დაკავშირებით ტენდერის მონაწილეთათვის განსაზღვრული ინსტრუქციების 4.3 (ა)-(დ) პარაგრაფების თანახმად, აღნიშნული არ ზღუდავს ტენდერის მონაწილეს, რომ მიიღოს მონაწილეობა სხვა სატენდერო წინადადებაში - ქვეკონტაქტორის სახით, ან ერთზე მეტ სატენდერო წინადადებასთან (დაკავშირებულ ტენდერში) - ქვეკონტაქტორის სტატუსით; ან

(ვ) თუ ტენდერის მონაწილე, ერთობლივი საწარმოს პარტნიორი, კომპანიონი, დამფუძნებელი კომპანია, ან ან მისი რომელიმე ფილიალი, კონსულტანტის სახით იღებდა მონაწილეობას იმ სამუშაოების საპროექტო დოკუმენტაციის ან ტექნიკური სპეციფიკაციების მომზადებაში, რომელზედაც წარდგენილია სატენდერო წინადადება; ან

(ზ) თუ ტენდერის მონაწილე, როგორც კონტრაქტის ინჟნერი, სტრუქტურულად დაკავშირებულია კომპანიასთან, ან ორგანიზაციასთან, რომელიც დამკვეთის ან სესხის ამღების მიერ იქნა დაქირავებული (ან შემოთავაზებულია დასაქირავებლად); ან

(თ) თუ ტენდერის მონაწილე მოახდენს იმ საქონლის, სამუშაოების ან არასაკონსულტაციო მომსახურებების მოწოდებას, რომელიც გამომდინარეობს, ან პირდაპირ კავშირშია სატენდერო მონაცემთა ნუსხის ინსტრუქციები ტენდერში მონაწილეთათვის 2.1 პარაგრაფში აღნიშნულ პროექტის მომზადებისა ან განხორციელებისათვის საჭირო საკონსულტაციო მომსახურებებთან, რომელიც მან მიაწოდა, ან რომელიც მიწოდებულ იქნა იმ ნებისმიერი ფილიალის მიერ, რომელიც პირდაპირ ან არაპირდაპირ კონტროლს ახორციელებს, თავად კონტროლდება, ან მას ერთობლივად აკონტროლებენ, ამ ფირმასთან ერთად;

4.4 კომპანიას არ უნდა ჰქონდეს აგბ-ს დაფინანსებით, ადმინისტრირებით, ან მხარდაჭერით განხორციელებული პროექტის ფარგლებში მიმდინარე შესყიდვების პროცედურებში მონაწილეობის მიღების უფლებამოსილება, აგბ-ს მიერ კომპანიის დროებით არ დაშვების, ან აკრძალვის პერიოდში, ბანკის ანტიკორუფციული პოლიტიკის შესაბამისად (იხ. ინსტრუქციები ტენდერის მონაწილეებისთვის, პარაგრაფი 3), მიუხედავად იმისა, აკრძალვა

უშუალოდ აგბ-ს მიერ არის დაკისრებული, თუ აგბ-მ განაპირობა მისი ამოქმედება, აკრძალვის გადაწყვეტილებების ამოქმედების შესახებ ორმხრივი შეთანხმების შესაბამისად.

- 4.5 სახელმწიფო საკუთრებაში არსებულ ორგანიზაციებს - სესხის ამღების ქვეყანაში, ექნებათ (ტენდერში მონაწილეობის) უფლებამოსილება იმ შემთხვევაში, თუ დაასაბუთებენ, რომ: (i) სამართლებრივად და ფინანსურად დამოუკიდებელი არიან; (ii) მოქმედებენ სავაჭრო კანონმდებლობის შესაბამისად, და (iii) არ წარმოადგენენ სესხის ამღებზე დაქვემდებარებულ უწყებებს.
- 4.6 ტენდერის მონაწილეს ტენდერში მონაწილეობის უფლება დამკვეთის მიერ არ ექნება ჩამორთმეული, სატენდერო წინადადების საგარანტიო დეკლარაციის გაფორმების შედეგად.
- 4.7 ტენდერის მონაწილეებმა უნდა წარმოადგინონ მონაწილეობის უფლებამოსილების დამადასტურებელი ისეთი საბუთი, რომელსაც დამკვეთი დასაბუთებულად მოითხოვს და რომელიც დააკმაყოფილებს დამკვეთს;
- 4.8 კომპანიები არ დაიშვებიან იმ შემთხვევაში, თუ შესაბამისობის აქტით, რომელიც მიღებულია გაერთიანებული ერების ორგანიზაციის უშიშროების საბჭოს გადაწყვეტილებით გაეროს წესდების მე-7 თავის თანახმად, სესხის ამღები ქვეყანა კრძალავს ამ ქვეყნიდან საქონლის იმპორტს ან სამუშაოებისა ან მომსახურებების კონტრაქტის დადებას ამ ქვეყანასთან, ან ამ ქვეყანაში მოქმედი შესაბამისი პირის ან

ორგანიზაციისათვის
განხორციელებას.

ანგარიშსწორების

**5. ნებადართული
მასალები,
აღჭურვილობა
და
მომსახურება**

- 5.1 კონტრაქტის ფარგლებში მიწოდებული მასალები, აღჭურვილობა და მომსახურებები შეიძლება წარმოშობით იყოს უფლებამოსილი ქვეყნიდან, როგორც ეს განსაზღვრულია „ინსტრუქციები პრეტენდენტებისათვის“ 4.2 პარაგრაფში ზემოთ, და კონტრაქტის ფარგლებში გაწეული ყველა ხარჯი წინააღმდეგობაში არ უნდა მოდიოდეს ამგვარ შეზღუდვებთან. დამკვეთის მოთხოვნით, პრეტენდენტს შესაძლოა მოეთხოვოს მასალების, აღჭურვილობის და მომსახურებების წარმომავლობის დამამტკიცებელი საბუთის წარმოდგენა.
- 5.2 ზემოთ მოცემული ტენდერის მონაწილეთათვის განსაზღვრული ინსტრუქციების 5.1 პარაგრაფის თანახმად, „წარმომავლობაში“ იგულისხმება ადგილი, სადაც ხდება მასალების და აღჭურვილობის მოპოვება, დამზადება, ან წარმოება და საიდანაც ხდება მომსახურების უზრუნველყოფა. მასალების და აღჭურვილობის წარმოება ხდება მაშინ, როდესაც წარმოება, დამუშავება, ან კომპონენტების არსებითად, ან ძირითადად გამართვა, განაპირობებს კომერციულად აღიარებულ პროდუქტს, რაც არსებითად განსხვავებულია მისი ძირითადი მახასიათებლებით, ან მიზნობრიობით, ან სამუშაო პროგრამით, მისი კომპონენტებისაგან.

ბ. სატენდერო დოკუმენტაციის შინაარსი

6. სატენდერო დოკუმენტაციის თავები

6.1 სატენდერო დოკუმენტაცია შედგება I, II და III ნაწილებისგან, რომლებიც მოიცავენ ქვემოთ ჩამოთვლილ თავებს და განხილული უნდა იქნას **ინსტრუქციები პრეტენდენტებისათვის** მე-8 პარაგრაფის შესაბამისად გამოცემულ დამატებებთან ერთად.

ნაწილი 1 - სატენდერო პროცედურები

თავი I - ინსტრუქციები პრეტენდენტებისათვის

თავი II - სატენდერო მონაცემების ნუსხა

თავი III - შეფასებისა და საკვალიფიკაციო კრიტერიუმები

თავი IV - სატენდერო წინადადების ფორმები

თავი V - უფლებამოსილი ქვეყნები

ნაწილი 2 - სამუშაოთა მოთხოვნები

თავი VI - სამუშაოთა მოთხოვნები

ნაწილი 3 - კონტრაქტის პირობები და კონტრაქტის ფორმები

თავი VII - კონტრაქტის ზოგადი პირობები

თავი VIII - კონტრაქტის განსაკუთრებული პირობები

თავი IX - კონტრაქტის ფორმები

6.2 დამკვეთის მიერ გამოცემული სატენდერო წინადადების წარმოდგენის მოთხოვნა არ წარმოადგენს სატენდერო დოკუმენტაციის ნაწილს.

6.3 დამკვეთი არ არის პასუხისმგებელი სატენდერო დოკუმენტაციის სისრულეზე, განმარტებისათვის შეკითხვებზე პასუხების, წინასატენდერო სხდომის (ამგვარის ჩატარების შემთხვევაში) ოქმების ან „**ინსტრუქციები პრეტენდენტებისათვის**“ მე-8 პარაგრაფის შესაბამისად სატენდერო დოკუმენტების ცვლილებების სისრულეზე, თუ ეს დოკუმენტაცია უშუალოდ დამკვეთისგან არ არის მოპოვებული. ნებისმიერი წინააღმდეგობის არსებობის შემთხვევაში, უპირატესობა მიენიჭება უშუალოდ დამკვეთისაგან მიღებულ დოკუმენტებს.

6.4 პრეტენდენტმა უნდა შეისწავლოს სატენდერო დოკუმენტაციაში არსებული ყველა ინსტრუქცია, ფორმა, პირობა და სპეციფიკაცია და თავისი სატენდერო წინადადებით წარადგინოს ყველა

ინფორმაცია და დოკუმენტაცია, როგორც ამას ითხოვს სატენდერო დოკუმენტაცია.

7. სატენდერო დოკუმენტები ს განმარტება, ობიექტის მონახულება, წინასატენდერო შეხვედრა

7.1 პრეტენდენტმა, რომელსაც რაიმე განმარტების მიღება სურს სატენდერო დოკუმენტაციის თაობაზე, წერილობით უნდა მიმართოს დამკვეთს სატენდერო მონაცემთა ნუსხაში მითითებულ მისამართზე, ან წამოჭრას ეს საკითხები წინასატენდერო შეხვედრის დროს, თუ ამგვარი შეხვედრის ჩატარება გათვალისწინებულია „**ინსტრუქციები პრეტენდენტებისათვის**” 7.4 პარაგრაფის შესაბამისად. დამკვეთმა წერილობით უნდა უპასუხოს განმარტების შესახებ თხოვნას, თუ ამგვარი თხოვნა მიღებული იქნა სატენდერო წინადადებების წარდგენის ბოლო ვადამდე იმ პერიოდში, როგორც მითითებულია სატენდერო მონაცემთა ნუსხაში. დამკვეთმა თავისი განმარტების ასლი უნდა დაუგზავნოს ყველა პრეტენდენტს რომელთაც შეიძინეს სატენდერო დოკუმენტაცია 6.3 პარაგრაფის დებულებების შესაბამისად. მისი განმარტება უნდა მოიცავდეს კითხვის აღწერას, ამ კითხვის წყაროს დასახელების გარეშე. თუ სატენდერო მონაცემთა ნუსხაში ამგვარადაა მითითებული, დამკვეთმა ასევე დაუყოვნებლივ უნდა გამოაქვეყნოს თავისი განმარტება სატენდერო მონაცემთა ნუსხაში მითითებულ ვებ-გვერდზე. თუ მოთხოვნილი განმარტება გამოიწვევს სატენდერო დოკუმენტების არსებითი პირობების ცვლილებებს, დამკვეთმა სატენდერო დოკუმენტში უნდა შეიტანოს ცვლილება „**ინსტრუქციები პრეტენდენტებისათვის**” მე-8 და 22.2 პარაგრაფებში მოცემული პროცედურების შესაბამისად.

7.2 პრეტენდენტს ეძლევა რეკომენდაცია, რომ მოინახულოს და შეისწავლოს ობიექტის ტერიტორია და მისი შემოგარენი და საკუთარი პასუხისმგებლობით მოიპოვოს მთელი ის ინფორმაცია, რომელიც შესაძლოა დასჭირდეს სატენდერო წინადადების მომზადებისა და სამშენებლო სამუშაოებზე კონტრაქტის გაფორმებისათვის. ობიექტის მონახულების ხარჯები პრეტენდენტმა თვითონ უნდა გაიღოს.

7.3 ზემოაღნიშნული მიზნებისათვის, დამკვეთს შეუძლია პრეტენდენტს, მის თანამშრომლებს ან წარმომადგენლებს მისცეს თავისი შენობა-ნაგებობების და ფართობების მონახულების უფლება, მაგრამ მხოლოდ იმ აუცილებელი პირობით, რომ პრეტენდენტი, მისი თანამშრომლები ან წარმომადგენლები გაათავისუფლებენ

დამკვეთს, მის თანამშრომლებსა და აგენტებს ამ ვიზიტთან დაკავშირებული ყოველგვარი პასუხისმგებლობისაგან და თვითონ პრეტენდენტი, იქნება პასუხისმგებელი ადამიანების დაღუპვაზე ან დაშავებაზე, საკუთრების დაკარგვასა და დაზიანებაზე და ნებისმიერი სხვა სახის დანაკარგზე, ზარალსა და ხარჯებზე, რომელსაც შესაძლოა ადგილი ჰქონდეს ზემოაღნიშნული ვიზიტის დროს.

7.4 პრეტენდენტის სრულუფლებიანი წარმომადგენელი მოწვეულია წინასატენდერო შეხვედრაზე დასასწრებად და/ ან სამუშაო ადგილის მოსანახულებლად, თუ ამგვარი შეხვედრა გათვალისწინებულია სატენდერო მონაცემთა ნუსხაში. ამ შეხვედრის მიზანს წარმოადგენს იმ საკითხების გარკვევა და იმ კითხვებზე პასუხი, რომლებიც მოცემულ ეტაპზე შეიძლება წამოიჭრას.

7.5 პრეტენდენტებს მოეთხოვებათ, რომ შეძლებისდაგვარად კითხვები წერილობით იქნას წარმოდგენილი და დამკვეთმა ისინი მიიღოს შეხვედრის ჩატარებამდე არა უგვიანეს ერთი კვირით ადრე.

7.6 წინასატენდერო შეხვედრის ოქმი, რომელშიც დაფიქსირებული იქნება პრეტენდენტების მიერ დასმული კითხვები, წყაროს მითითების გარეშე, და გაცემული პასუხები, ასევე შეხვედრის შემდეგ მომზადებული ყველა პასუხი, ოპერატიულად დაეგზავნება ყველა იმ პრეტენდენტს, რომელმაც შეიძინა სატენდერო დოკუმენტაცია 'ინსტრუქციები პრეტენდენტებისათვის' 6.3 პარაგრაფის შესაბამისად. ნებისმიერი ცვლილება, რომელიც შეიძლება საჭირო გახდეს წინასატენდერო შეხვედრის შედეგად, დამკვეთმა სატენდერო დოკუმენტაციაში უნდა შეიტანოს მხოლოდ დამატების გამოცემის გზით 'ინსტრუქციები პრეტენდენტებისათვის' მე-8 პარაგრაფის შესაბამისად და არა წინასატენდერო შეხვედრის ოქმის საშუალებით. წინასატენდერო შეხვედრაზე დაუსწრებლობა არ გამოიწვევს პრეტენდენტის დისკვალიფიკაციას.

8. სატენდერო დოკუმენტების ცვლილებები

8.1 სატენდერო წინადადებების წარდგენის ბოლო ვადამდე ნებისმიერ მომენტში დამკვეთს შეუძლია სატენდერო დოკუმენტაციაში ცვლილებების შეტანა დამატების გამოშვების გზით.

8.2 ნებისმიერი ამგვარი დამატება სატენდერო დოკუმენტაციის ნაწილს წარმოადგენს და დამკვეთმა ის წერილობით უნდა შეატყობონოს ყველა პრეტენდენტს, რომლებმაც შეიძინეს სატენდერო დოკუმენტაცია „ინსტრუქციები პრეტენდენტებისათვის“ მე-6 პარაგრაფის შესაბამისად. ასევე, დამკვეთმა დაუყოვნებლივ უნდა გამოაქვეყნოს დამატება დამკვეთის ვებ-გვერდზე „ინსტრუქციები პრეტენდენტებისათვის“ 7.1 პარაგრაფის შესაბამისად.

8.3 იმ მიზნით, რომ პოტენციურ პრეტენდენტებს საკმარისი დრო ჰქონდეთ სატენდერო დოკუმენტაციაში შესული ცვლილების გასათვალისწინებლად სატენდერო წინადადების მომზადების დროს, დამკვეთს საკუთარი შეხედულებისამებრ შეუძლია გააგრძელოს სატენდერო წინადადებების წარდგენის ბოლო ვადა „ინსტრუქციები პრეტენდენტებისათვის“ 22.2 პარაგრაფის შესაბამისად.

გ. სატენდერო წინადადების მომზადება

- | | |
|---|---|
| 9. ტენდერში მონაწილეობის ხარჯები | 9.1 სატენდერო წინადადების მომზადებისა და წარდგენის ყველა ხარჯს გაიღებს პრეტენდენტი და დამკვეთი არც ერთ შემთხვევაში არ არის პასუხისმგებელი ამ ხარჯებზე ტენდერის პროცესის ან მისი შედეგების მიუხედავად. |
| 10. სატენდერო წინადადების ენა | 10.1 დოკუმენტაცია და პრეტენდენტსა და დამკვეთს შორის სატენდერო წინადადებასთან დაკავშირებით წარმოებული კორესპონდენცია, შედგენილი უნდა იყოს იმ ენაზე, რომელიც მითითებულია სატენდერო მონაცემების ნუსხაში. დამხმარე დოკუმენტები და ნაბეჭდი მასალები, რომლებიც სატენდერო წინადადებების ნაწილს წარმოადგენს, შეიძლება სხვა ენაზე იყოს შედგენილი იმ პირობით, რომ მათ უნდა ახლდეს შესაბამისი ნაწყვეტების ზუსტი თარგმანი და სატენდერო წინადადების ინტერპრეტაციისას უპირატესობა თარგმანს მიენიჭება. |
| 11. სატენდერო წინადადების შემადგენელი დოკუმენტები | 11.1 სატენდერო წინადადება უნდა მოიცავდეს შემდეგ დოკუმენტებს:

(ა) სატენდერო განაცხადი „ინსტრუქციები პრეტენდენტებისათვის“ მე-12 პარაგრაფის შესაბამისად; |

(ბ) შევსებული უწყისები „ინსტრუქციები პრეტენდენტებისათვის“ მე-12 და მე-14 პარაგრაფების შესაბამისად, როგორც ეს განსაზღვრულია სატენდერო მონაცემების ნუსხაში;

(გ) სატენდერო წინადადების გარანტია ან სატენდერო წინადადების საგარანტიო დეკლარაცია „ინსტრუქციები პრეტენდენტებისათვის“ 19.1 პარაგრაფის შესაბამისად;

(დ) ალტერნატიული სატენდერო წინადადებები, თუ ისინი დაშვებულია „ინსტრუქციები პრეტენდენტებისათვის“ მე-13 პარაგრაფის შესაბამისად;

(ე) სატენდერო წინადადების ხელმომწერის უფლებამოსილების წერილობითი დასტური „ინსტრუქციები პრეტენდენტებისათვის“ 20.2 პარაგრაფის შესაბამისად;

(ვ) პრეტენდენტის უფლებამოსილება, საჭირო უფლებამოსილების დამადასტურებელი დოკუმენტაცია „ინსტრუქციები პრეტენდენტებისათვის“ მე-17 პარაგრაფის შესაბამისად, ტენდერში მონაწილეობის მისაღებად;

(ზ) პრეტენდენტის მიერ კონტრაქტის შესასრულებლად საჭირო კვალიფიკაციის დამადასტურებელი დოკუმენტაცია „ინსტრუქციები პრეტენდენტებისათვის“ მე-17 პარაგრაფის შესაბამისად, თუ მისი სატენდერო წინადადება მიღებული იქნება;

(თ) შესატყვისობა: ტექნიკური წინადადება „ინსტრუქციები პრეტენდენტებისათვის“ მე-16 პარაგრაფის შესაბამისად;

(ი) ნებისმიერი სხვა დოკუმენტი, რომელიც მოთხოვნილია სატენდერო მონაცემთა ნუსხაში.

11.2 „ინსტრუქციები პრეტენდენტებისათვის“ 11.1-ში მითითებული მოთხოვნების გარდა, ერთობლივი საწარმოს მიერ წარმოდგენილი სატენდერო წინადადებები უნდა მოიცავდეს ერთობლივი საწარმოს ხელშეკრულების ასლს, რომელიც ყველა წევრის მონაწილეობით არის გაფორმებული. ალტერნატივის სახით, შესაძლოა წარმოდგენილი იქნას განზრახვის წერილი ტენდერში გამარჯვების შემთხვევაში ერთობლივი საწარმოს შექმნის შესახებ, რომელიც ყველა წევრის მიერ უნდა იქნას ხელმოწერილი და წარდგენილი სატენდერო წინადადებასთან და შემოთავაზებული ხელშეკრულების ასლთან ერთად.

- 11.3 პრეტენდენტმა სატენდერო განაცხადში უნდა წარადგინოს ინფორმაცია მის სატენდერო წინადადებასთან დაკავშირებული წარმომადგენლების ან ნებისმიერი სხვა მხარისათვის გადახდილი საკომისიოებისა და ფულადი ჯილდოების შესახებ იმ შემთხვევაში, თუ ამგვარი გადახდილია.
- 12. სატენდერო განაცხადი და უწყისები**
- 12.1 სატენდერო განაცხადი და უწყისები უნდა მომზადდეს IV თავში (სატენდერო ფორმები) მოცემული ფორმების გამოყენებით. აღნიშნული ფორმები შევსებული უნდა იქნას ტექსტში ცვლილების გარეშე, დაშვებული არ არის რაიმე სახის ჩანაცვლება, გარდა „ინსტრუქციები პრეტენდენტებისათვის“ 20.3 პარაგრაფში აღნიშნულისა. ყველა ცარიელი ადგილი შევსებული უნდა იქნას მოთხოვნილი ინფორმაციით.
- 13. ალტერნატიული სატენდერო წინადადება**
- 13.1 თუ სატენდერო მონაცემთა ნუსხაში სხვაგვარად არ არის მითითებული, ალტერნატიული წინადადებები არ განიხილება.
- 13.2 როდესაც პრეტენდენტებისაგან მკაფიოდ ითხოვენ ობიექტის დასრულების ალტერნატიული ვადების წარმოდგენას, ეს მითითებული უნდა იქნას სატენდერო მონაცემთა ნუსხაში, ასევე III ნაწილში, შეფასების და საკვალიფიკაციო კრიტერიუმები, აღწერილი უნდა იქნას დასრულების სხვადასხვა ალტერნატიული ვადების შეფასების მეთოდი.
- 13.3 გარდა „ინსტრუქციები პრეტენდენტებისათვის“ 13.4 პარაგრაფში აღნიშნულისა, იმ პრეტენდენტებმა, რომლებსაც სურთ სატენდერო დოკუმენტაციის ალტერნატიული ტექნიკური წინადადებების წარდგენა, ჯერ უნდა განაფასონ დამკვეთის პროექტი, რომელიც სატენდერო დოკუმენტაციაშია აღწერილი და შემდეგ უნდა წარმოადგინონ მთელი ის ინფორმაცია, რომელიც დასჭირდება დამკვეთს ალტერნატიული წინადადების სრულყოფილი შეფასებისათვის, ნახაზების, საპროექტო გაანგარიშებების, ტექნიკური სპეციფიკაციების, ხარჯების გაწერის, მშენებლობის შემოთავაზებული მეთოდების და სხვა შესაბამისი მონაცემების ჩათვლით. დამკვეთი განიხილავს მხოლოდ ყველაზე ხელსაყრელი წინადადების წარმომდგენი მონაწილის ტექნიკურ ალტერნატივებს, რომლებიც პასუხობს ძირითად ტექნიკურ მოთხოვნებს.

13.4 სატენდერო მონაცემთა ნუსხაში შესაბამისი მითითების არსებობის შემთხვევაში, პრეტენდენტებს აქვთ უფლება წარმოადგინონ ალტერნატიული ტექნიკური გადაწყვეტები სამუშაოთა გარკვეულ ნაწილებზე. სამუშაოთა ეს ნაწილები აღნიშნული იქნება სატენდერო მონაცემთა ნუსხაში და აღწერილი იქნება VII თავში (სამუშაოთა მოთხოვნები). ამ ალტერნატივების შეფასების მეთოდი აღწერილი იქნება III თავში (შეფასებისა და კვალიფიკაციის კრიტერიუმები).

**14. სატენდერო
წინადადების
ფასები და
ფასდაკლება**

14.1 პრეტენდენტის მიერ სატენდერო განაცხადში და საქმიანობების გრაფიკში ან უწყისებში წარმოდგენილი ფასები და ფასდაკლება ქვემოთ წარმოდგენილ მოთხოვნებს უნდა შეესაბამებოდეს.

14.2 პრეტენდენტის წინადადება უნდა მოიცავდეს მთელს ობიექტს, რომელიც „ინსტრუქციები პრეტენდენტებისათვის“ 1.1 პარაგრაფში არის აღწერილი, და მითითებული უნდა იყოს ფასები სამუშაოთა ყველა მუხლისათვის, როგორც ეს განსაზღვრულია IV თავში (სატენდერო ფორმები). ერთეულგანფასებიანი კონტრაქტის შემთხვევაში, პრეტენდენტმა უნდა მიუთითოს სამუშაოთა მოცულობების უწყისში (ხარჯთაღრიცხვაში) მოცემული ყველა მუხლის განაკვეთები და ფასები. დამკვეთი არ აანაზღაურებს იმ სამუშაოებს, რომლებისთვისაც არ არის მითითებული ერთეული განაკვეთები და ფასები. მიჩნეული იქნება, რომ ეს ხარჯები დაიფარება სამუშაოთა მოცულობების უწყისში აღნიშნული სხვა მუხლების განაკვეთებისა და ფასების ხარჯზე.

14.3 სატენდერო განაცხადში მითითებული ფასი, “ინსტრუქციები პრეტენდენტებისათვის“ 12.1 პარაგრაფის შესაბამისად, წარმოადგენს მთლიანად სატენდერო წინადადების ფასს შემოთავაზებული ფასდაკლებების გამოკლებით.

14.4 ფასდაკლებები (თუ ისინი გათვალისწინებულია) და მათი გამოყენების მეთოდიკა აღნიშნული უნდა იყოს სატენდერო განაცხადი, “ინსტრუქციები პრეტენდენტებისათვის” 12.1 პარაგრაფის შესაბამისად.

14.5 ფასები იქნება ფიქსირებული, ან კორექტირებადი, როგორც ამას სატენდერო მონაცემთა ნუსხა (BDS) განსაზღვრავს.

(ა) ფიქსირებული ფასის შემთხვევაში, ტენდერის მონაწილის მიერ კორექტირებული ფასები უნდა დაფიქსირდეს ტენდერის მონაწილის მიერ

კონტრაქტის განხორციელების პროცესში და არავითარ შემთხვევაში არ უნდა დაექვემდებაროს ცვლილებას. კორექტირებადი ფასით წარმოდგენილი სატენდერო წინადადება ჩაითვლება შეუსაბამოდ და უარყოფილი იქნება.

(ბ) კორექტირებადი ფასის შემთხვევაში, ტენდერის მონაწილის მიერ კოტირებული ფასები დაექვემდებარება კორექტირებას კონტრაქტის განხორციელების პროცესში, სამუშაო ძალის, მასალის, ტრანსპორტის და კონტრაქტორის აღჭურვილობასთან დაკავშირებული ხარჯების ცვლილებების ასახვის მიზნით, კონტრაქტის პირობების დებულებების შესაბამისად. ფიქსირებული ფასით წარმოდგენილი სატენდერო წინადადება ჩაითვლება შეუსაბამოდ და უარყოფილი იქნება. ტენდერის მონაწილემ ფასის კორექტირების ფორმულების ინდექსები და (წონის) კოეფიციენტები უნდა წარმოადგინოს მე-4 ნაწილში (სატენდერო ფორმები) წარმოდგენილ კორექტირების მონაცემთა ცხრილებში. დამკვეთმა შესაძლოა მოთხოვოს ტენდერის მონაწილეს, შემოთავაზებული ინდექსების და კოეფიციენტების დასაბუთება. ნებისმიერი სატენდერო წინადადება, რომელშიც გამოტოვებული იქნება ინდექსები და კოეფიციენტები, დაზუსტდება ტენდერის მონაწილესთან.

14.6 თუ „ინსტრუქციები პრეტენდენტებისათვის“ 1.1 პარაგრაფში ამგვარად არის მითითებული, შესაძლებელია სატენდერო წინადადებების მოწვევა ცალკეულ ლოტებზე (პაკეტებზე) ან ლოტების (პაკეტების) კომბინაციაზე. პრეტენდენტებმა, რომელთაც სურთ ფასდაკლების შეთავაზება ერთზე მეტი კონტრაქტის მინიჭებისათვის, თავის სატენდერო წინადადებაში უნდა მიუთითონ თითოეული პაკეტისათვის, (ან ალტერნატივის სახით, პაკეტის ფარგლებში ცალკეული კონტრაქტისათვის) გათვალისწინებული ფასდაკლება. ფასდაკლება წარმოდგენილი უნდა იქნას 'ინსტრუქციები პრეტენდენტებისათვის' 14.4 პარაგრაფის შესაბამისად იმ პირობით, თუ ყველა კონტრაქტის (ლოტის)

სატენდერო წინადადებები ერთდროულად იქნება გახსნილი.

14.7 ყველა გადასახადი და მოსაკრებელი, რომელიც კონტრაქტორმა უნდა გადაიხადოს კონტრაქტის ფარგლებში, ან ნებისმიერი სხვა მიზნებისათვის, სატენდერო წინადადებების წარდგენის საბოლოო ვადამდე 28 დღით ადრე, შეტანილი უნდა იქნას პრეტენდენტის მიერ წარმოდგენილ ერთეულ განფასებებსა და ფასებში² და სატენდერო წინადადების მთლიან ფასში.

15. სატენდერო წინადადების ვალუტა და გადახდა 15.1 სატენდერო წინადადებისა და გადახდის ვალუტა უნდა იყოს ერთი და იგივე, და რაც მითითებულია სატენდერო მონაცემების ნუსხაში.

15.2 არ გამოიყენება

16. ტექნიკური წინადადების შემადგენელი დოკუმენტები 16.1. პრეტენდენტმა უნდა წარმოადგინოს ტექნიკური წინადადება, რომელიც მოიცავს სამუშაოთა წარმოების მეთოდს, აღჭურვილობას, პერსონალს, გრაფიკს და ყველა სხვა ინფორმაციას IV თავის (სატენდერო ფორმების) მოთხოვნათა შესაბამისად. აღნიშნული ინფორმაცია საკმარისად დეტალური უნდა იყოს, რომ წარმოაჩინოს პრეტენდენტის წინადადების ადეკვატურობა სამუშაოების მოთხოვნებისა და დასრულების ვადის დასაკმაყოფილებლად.

17. პრეტენდენტის კვალიფიკაციის დამადასტურებელი დოკუმენტები 17.1. პრეტენდენტებისთვის განსაზღვრული ინსტრუქციების (იპ) 4 თანახმად, პრეტენდენტის უფლებამოსილების დადასტურების მიზნით, პრეტენდენტებმა უნდა შეავსონ IV თავში (სატენდერო ფორმებში) წარმოდგენილი სატენდერო განაცხადი.

17.2. III თავის (შეფასებისა და კვალიფიკაციის კრიტერიუმები) შესაბამისად, პრეტენდენტმა კონტრაქტის შესრულებისათვის საჭირო თავისი კვალიფიკაციის დასადასტურებლად უნდა წარმოადგინოს IV თავში (სატენდერო ფორმები) მოთხოვნილი შესაბამისი ინფორმაცია.

17.3. არ გამოიყენება

² ერთიანი გადახდის კონტრაქტში, წაშალეთ “განაკვეთები და ფასები და.”

**18. სატენდერო
წინადადების
მოქმედების
ვადა**

18.1. სატენდერო წინადადება ძალაში რჩება **სატენდერო მონაცემების ნუსხაში** მითითებულ თარიღამდე, ან დამკვეთის მიერ პრეტენდენტებისთვის განსაზღვრული ინსტრუქციების (8) შესაბამისად შეცვლილ თარიღამდე. სატენდერო წინადადება, რომელსაც ამოეწურება ვადა სატენდერო მონაცემების ნუსხაში მითითებულ თარიღამდე, ან გაგრძელებულ ვადამდე, თუ აღნიშნული ცვლილება განხორციელებულია დამკვეთის მიერ, პრეტენდენტებისთვის განსაზღვრული ინსტრუქციების (8) შესაბამისად, აღნიშნული სატენდერო წინადადება უარყოფილი იქნება დამკვეთის მიერ, როგორც შეუსაბამო.

18.2. გამონაკლის შემთხვევებში, სატენდერო წინადადების ვადის გასვლამდე, დამკვეთს შეუძლია სთხოვოს პრეტენდენტებს მათი სატენდერო წინადადებების მოქმედების ვადის გაგრძელება. აღნიშნული თხოვნა და მასზე პასუხი წერილობით უნდა იქნას შესრულებული. თუ „ინსტრუქციები პრეტენდენტებისათვის“ მე-19 პარაგრაფის შესაბამისად, აუცილებელია სატენდერო წინადადების გარანტიის წარდგენა, შესაბამისად გაგრძელებული ბოლო ვადის მიღმა ოცდარვა (28) დღით უნდა გაგრძელდეს ამ გარანტიის მოქმედების ვადაც. პრეტენდენტს შეუძლია ზემოაღნიშნულ მოთხოვნაზე უარის თქმა და ამ უარის შედეგადაც მას არ ჩამოერთმევა სატენდერო წინადადების გარანტია. იმ პრეტენდენტს, რომელიც დათანხმდება აღნიშნულ მოთხოვნაზე, არ მოეთხოვება და უფლება არ აქვს შეიტანოს ცვლილებები თავის სატენდერო წინადადებაში, თუკი ეს მოთხოვნილი არ არის „ინსტრუქციები პრეტენდენტებისათვის“ 18.3 პარაგრაფის შესაბამისად.

18.3. თუ კონტრაქტის მინიჭება გადაიდება სატენდერო წინადადების პრეტენდენტებისათვის ინსტრუქციების 18.1 პარაგრაფის თანახმად განსაზღვრული მოქმედების ვადის გასვლის შემდეგ 56 (ორმოცდათექვსმეტი) დღეზე მეტი დროით, კონტრაქტის ფასი უნდა განისაზღვრის შემდეგი სახით:

- (ა) ფიქსირებული ღირებულების კონტრაქტის შემთხვევაში, კონტრაქტის ღირებულება უნდა იყოს სატენდერო წინადადების ღირებულება, რომელიც შესწორებულია სატენდერო მონაცემთა ნუსხაში მითითებული ფაქტორით;
- (ბ) რეგულირებადი (კორექტირებადი) ღირებულების მქონე კონტრაქტებისათვის, კორექტირება არ უნდა მოხდეს;
- (გ) ნებისმიერ შემთხვევაში, სატენდერო წინადადების შეფასება ეფუძნება სატენდერო წინადადების ღირებულებას, ზემოთ მითითებული გამოსაყენებელი შესწორებების გაუთვალისწინებლად.

19. სატენდერო წინადადების გარანტია

19.1. პრეტენდენტმა, როგორც სატენდერო წინადადების ნაწილი, უნდა წარმოადგინოს ან სატენდერო წინადადების საგარანტიო დეკლარაცია ან სატენდერო წინადადების გარანტიის დედანი, როგორც სატენდერო მონაცემთა ნუსხაში არის აღნიშნული. სატენდერო წინადადების გარანტიის შემთხვევაში გარანტიის

თანხა უნდა იყოს იმ ოდენობის და იმ ვალუტაში, რომელიც მითითებულია სატენდერო მონაცემთა ნუსხაში.

19.2. სატენდერო წინადადების საგარანტიო დეკლარაცია უნდა მომზადდეს IV თავში (სატენდერო ფორმები) წარმოდგენილი ფორმის გამოყენებით.

19.3. თუ საჭიროა სატენდერო წინადადების გარანტიის წარდგენა „ინსტრუქციები პრეტენდენტებისათვის“ 19.1 პარაგრაფის შესაბამისად, სატენდერო წინადადების გარანტია წარმოდგენილი უნდა იყოს ნებისმიერი ქვემოთ მოყვანილი ფორმით, პრეტენდენტის არჩევანით:

(ა) უპირობო საბანკო გარანტია;

(ბ) შეუქცევადი აკრედიტივი;

(გ) საბანკო ან დამოწმებული ჩეკი; ან

(დ) SWIFT შეტყობინება MT760 ფორმით.

ყველა მათგანი გაცემული უნდა იყოს უფლებამოსილი ქვეყნის სანდო წყაროდან, როგორც ეს აღწერილია თავი 5-ში (უფლებამოსილი ქვეყნები). საბანკო გარანტიის შემთხვევაში, სატენდერო წინადადების გარანტია წარმოდგენილი უნდა იქნას თავი 4-ში (სატენდერო ფორმები) მოცემული სატენდერო წინადადების გარანტიის ფორმით ან დამკვეთისთვის მისაღებია სხვა ფორმით. ფორმა უნდა შეიცავდეს პრეტენდენტის სრულ დასახელებას. სატენდერო წინადადების გარანტია ძალაში უნდა იყოს სატენდერო წინადადების თავდაპირველი ვადის გასვლიდან ოცდარვა (28) დღის განმავლობაში, ან გაგრძელებული ვადის გასვლის შემდეგ, თუ ვადის ამგვარი გაგრძელება მოთხოვნილი იქნება „ინსტრუქციები პრეტენდენტებისათვის“ 18.2 პარაგრაფის შესაბამისად.

19.4. თუ „ინსტრუქციები პრეტენდენტებისათვის“ 19.1 პარაგრაფში დაზუსტებულია სატენდერო წინადადების გარანტია, ან სატენდერო წინადადების საგარანტიო დეკლარაცია, ნებისმიერი სატენდერო წინადადება, რომელსაც არ ახლავს მოთხოვნებთან არსებითად შესაბამისი სატენდერო წინადადების გარანტია ან სატენდერო წინადადების საგარანტიო დეკლარაცია, უარყოფილი იქნება დამკვეთის მიერ, როგორც მოთხოვნებთან შეუსაბამო.

19.5. თუ „ინსტრუქციები პრეტენდენტებისათვის“ 19.1 პარაგრაფში მითითებულია სატენდერო წინადადების გარანტიის წარმოდგენის საჭიროება, ტენდერში დამარცხებულ პრეტენდენტებს მათივე გარანტიები დაუბრუნდებათ დროულად წარმატებული პრეტენდენტის მიერ შესრულების გარანტიის წარმოდგენის შემდეგ.

19.6. თუ „ინსტრუქციები პრეტენდენტებისათვის“ 19.1 პარაგრაფში მითითებულია სატენდერო წინადადების გარანტიის წარმოდგენის საჭიროება, ტენდერში გამარჯვებულ პრეტენდენტს სატენდერო გარანტია დაუბრუნდება დროულად მას შემდეგ რაც, გამარჯვებული პრეტენდენტი გააფორმებს კონტრაქტს და წარმოადგენს კონტრაქტის შესრულების გარანტიას.

19.7. სატენდერო წინადადების გარანტიის ჩამორთმევის აღსრულება განხორციელდება იმ შემთხვევაში, თუ

(ა) “ინსტრუქციები პრეტენდენტებისათვის” 24.3 პარაგრაფის მიუხედავად პრეტენდენტი გაიწვევს საკუთარ სატენდერო წინადადებას პრეტენდენტის მიერ სატენდერო განაცხადში მითითებული სატენდერო წინადადების მოქმედების ვადის ამოწურვამდე, გარდა “ინსტრუქციები პრეტენდენტებისათვის” 18.2 პარაგრაფით გათვალისწინებული შემთხვევისა, ან

(ბ) თუ ტენდერში გამარჯვებული პრეტენდენტი არ:

(i) არ მოაწერს ხელს კონტრაქტს “ინსტრუქციები პრეტენდენტებისათვის” 43 პარაგრაფის შესაბამისად;

(ii) არ წარმოადგენს კონტრაქტის შესრულების გარანტიას “ინსტრუქციები პრეტენდენტებისათვის” 44 პარაგრაფის შესაბამისად;

(iii) არ დაეთანხმება არითმეტიკულ კორექტირებას “ინსტრუქციები პრეტენდენტებისათვის” 31 პარაგრაფის შესაბამისად; ან

(iv) არ წარმოადგენს კონტრაქტის შესრულების ადგილობრივ გარანტიას, ამგვარი მოთხოვნის შემთხვევაში “ინსტრუქციები პრეტენდენტებისათვის” 44.3 პარაგრაფის შესაბამისად.

19.8 თუ ინსტრუქციები ტენდერში მონაწილეთათვის 19.1 პარაგრაფის შესაბამისად, აუცილებელია სატენდერო წინადადების გარანტიის წარდგენა, ერთობლივი საწარმოს სატენდერო წინადადების გარანტია უნდა იყოს იმ ერთობლივი საწარმოს სახელზე, რომელიც წარმოადგენს სატენდერო წინადადებას. თუ ერთობლივი საწარმო არ არის ოფიციალურად დაფუძნებული ტენდერის (ჩატარების) დროისთვის, სატენდერო წინადადების გარანტია უნდა იყოს ერთობლივი საწარმოს რომელიმე, ან ყველა პარტნიორის სახელზე. თუ ინსტრუქციები ტენდერში მონაწილეთათვის 19.1 პარაგრაფის შესაბამისად, აუცილებელია სატენდერო წინადადების საგარანტიო დეკლარაციის წარდგენა, ერთობლივი საწარმოს სატენდერო წინადადების საგარანტიო დეკლარაცია უნდა იყოს იმ ერთობლივი საწარმოს სახელზე, რომელიც წარმოადგენს სატენდერო წინადადებას. თუ ერთობლივი საწარმო არ არის ოფიციალურად დაფუძნებული ტენდერის (ჩატარების) დროისთვის, სატენდერო წინადადების საგარანტიო დეკლარაცია უნდა იყოს ყველა მომავალი პარტნიორის სახელზე, რომლებიც დასახელებულია განხრახვის წერილში, ინსტრუქციები ტენდერში მონაწილეთათვის 4.1 პარაგრაფის შესაბამისად.

20. სატენდერო წინადადების ფორმა და ხელმოწერა

20.1. „ინსტრუქციები პრეტენდენტებისათვის“ 1.1 პარაგრაფის შესაბამისად, პრეტენდენტმა უნდა მოამზადოს სატენდერო წინადადების შემადგენელი დოკუმენტაციის ერთი ორიგინალი, რომელზედაც გარკვევით იქნება აღნიშნული - „**ორიგინალი**“. ალტერნატიულ სატენდერო წინადადებებზე, თუ ისინი დაშვებულია „ინსტრუქციები პრეტენდენტებისათვის“ მე-13 პარაგრაფის შესაბამისად, უნდა იყოს აღნიშვნა: „**ალტერნატიული**“. ამასთან, პრეტენდენტმა უნდა წარმოადგინოს სატენდერო წინადადების ასლები იმ რაოდენობით, რომელიც მითითებულია სატენდერო მონაცემთა ნუსხაში და ყოველ ასლზე უნდა იყოს აღნიშვნა „ასლი“. ორიგინალსა და ასლებს შორის ნებისმიერი შეუსაბამობის შემთხვევაში, უპირატესობა მიენიჭება ორიგინალს.

20.2. სატენდერო წინადადების ორიგინალი და ასლები უნდა იყოს ან დაბეჭდილი, ან დაწერილი წაუშლელი

მელნით და ხელმოწერილი უნდა იყოს ტენდერის მონაწილის სახელით, სათანადოდ უფლებამოსილი პირის მიერ. ეს უფლებამოსილება დადასტურებული უნდა იყოს წერილობითი დოკუმენტით, როგორც მითითებულია სატენდერო მონაცემთა ნუსხაში და აღნიშნული დოკუმენტი სატენდერო წინადადებაზე უნდა იყოს დართული. უფლებამოსილების მინიჭების დოკუმენტის ხელმომწერი თითოეული პირის სახელი და თანამდებობა დაწერილი ან დაბეჭდილი უნდა იყოს მისი ხელმოწერის ქვეშ. ტენდერის მონაწილის მიერ არასრულყოფილი უფლებამოსილების წარმოდგენის შემთხვევაში, სატენდერო წინადადების უარყოფა პირველივე შემთხვევაში არ მოხდება. დამკვეთი მოთხოვს ტენდერის მონაწილეს, რომ წარმოადგინოს მისაღები უფლებამოსილება, სატენდერო მონაცემთა ნუსხით განსაზღვრულ ვადაში. დამკვეთის თხოვნით განსაზღვრულ ვადაში მისაღები უფლებამოსილების წარმოდგენლობა გამოიწვევს სატენდერო წინადადების უარყოფას. სატენდერო წინადადება უარყოფილი იქნება, თუ სატენდერო წინადადების წერილი, ან სატენდერო წინადადების საგარანტიო დეკლარაცია (გამოყენების შემთხვევაში) არ იქნება გაფორმებული.

20.3. სტრიქონებს შორის არსებული ნებისმიერი ჩანართი, გადაშლილი ან ზემოდან გადაწერილი ფრაზები ძალაში რჩება მხოლოდ იმ შემთხვევაში, თუ ისინი ხელმოწერილია ან მათზე ინიციალებია დასმული სატენდერო წინადადების ხელმომწერი პირის მიერ.

დ. სატენდერო წინადადების წარდგენა და გახსნა

21. სატენდერო წინადადებები ს დალუქვა და მარკირება

21.1. პრეტენდენტმა სატენდერო წინადადება უნდა წარმოადგინოს ცალკე, დალუქულ კონვერტში (ერთ-კონვერტიანი სატენდერო პროცესი). ცალკე წარმოდგენილ კონვერტში, პრეტენდენტმა უნდა განათავსოს ცალკეული, დალუქული კონვერტები:

- (ა) კონვერტში, აღნიშნით „ორიგინალი“, წარმოდგენილი უნდა იყოს სატენდერო წინადადების შემადგენელი ყველა

დოკუმენტი, პრეტენდენტებისათვის განსაზღვრული ინსტრუქციების 11-ე პარაგრაფის შესაბამისად; და

- (ბ) კონვერტში, აღნიშვნით „ასლები“, წარმოდგენილი უნდა იყოს სატენდერო წინადადების ყველა საჭირო ასლები; და
- (გ) პრეტენდენტებისათვის განსაზღვრული ინსტრუქციების მე-13 პარაგრაფის მიხედვით ალტერნატიული სატენდერო წინადადებების დაშვების და შესაბამისობის შემთხვევაში:
 - (i) ალტერნატიული სატენდერო წინადადება წარმოდგენილი უნდა იყოს კონვერტში, რომელსაც ექნება შემდეგი აღნიშვნა: „ალტერნატიული სატენდერო წინადადება - ორიგინალი“; და
 - (ii) კონვერტში, აღნიშვნით „ალტერნატიული სატენდერო წინადადება - ასლები“, წარმოდგენილი უნდა იყოს ალტერნატიული სატენდერო წინადადების ყველა საჭირო ასლები.

21.2 შიდა და გარე კონვერტებზე აღნიშნული უნდა იყოს:

- (ა) პრეტენდენტის სახელი და მისამართი;
- (ბ) ის, რომ წინადადების ადრესატი არის დამკვეთი, **სატენდერო მონაცემების ნუსხის 22.1 პარაგრაფის** შესაბამისად;
- (გ) სატენდერო პროცესის საიდენტიფიკაციო კოდი, რომელიც მოცემულია სატენდერო მონაცემების ნუსხის 1.1 პარაგრაფში; და
- (დ) გაფრთხილება, რომ კონვერტი არ იქნას გახსნილი სატენდერო წინადადების გახსნის თარიღისა და დროის დადგომამდე.

21.3. თუ რომელიმე კონვერტი არ არის მოთხოვნის შესაბამისად დალუქული და მარკირებული, დამკვეთი არ აგებს პასუხს სატენდერო წინადადების დაკარგვაზე ან ნაადრევ გახსნაზე.

- 22. სატენდერო წინადადებები ს წარდგენის ბოლო ვადა**
- 22.1. სატენდერო წინადადებები დამკვეთმა უნდა მიიღოს იმ მისამა რთზე და არაუგვიანეს იმ თარიღსა და დროისა, როგორც **სატენდერო მონაცემთა ნუსხაში** არის მითითებული. თუ **სატენდერო მონაცემთა ნუსხაში** ამგვარად არის აღნიშნული, პრეტენდენტებს უნდა ჰქონდეთ თავიანთი სატენდერო წინადადებების ელექტრონული ფორმატით წარდგენის არჩევანი. პრეტენდენტებმა, რომლებიც თავიანთ სატენდერო წინადადებებს ელექტრონული ფორმატით წარადგენენ, უნდა დაიცვან **სატენდერო მონაცემთა ნუსხაში** მითითებული სატენდერო წინადადების ელექტრონული ფორმატით წარდგენის პროცედურები.
- 22.2. დამკვეთს შეუძლია, საკუთარი შეხედულებისამებრ, გააგრძელოს სატენდერო წინადადების წარდგენის ბოლო ვადა, სატენდერო დოკუმენტაციის ცვლილებით, **‘ინსტრუქციები პრეტენდენტებისათვის’** მე-8 პარაგრაფის შესაბამისად. ამ შემთხვევაში გაგრძელებული ვადა ეხება დამკვეთისა და პრეტენდენტების ყველა უფლება-მოვალეობას, რომელიც სატენდერო წინადადების წარდგენის ბოლო ვადასთან არის დაკავშირებული.
- 23. დაგვიანებით წარმოდგენილი სატენდერო წინადადებები**
- 23.1. დამკვეთი არ განიხილავს იმ სატენდერო წინადადებებს, რომლებიც წარმოდგენილი იქნა სატენდერო წინადადების წარდგენის ბოლო ვადის გასვლის შემდეგ, **‘ინსტრუქციები პრეტენდენტებისათვის’** 22-ე პარაგრაფის შესაბამისად. სატენდერო წინადადებების ვადის გასვლის შემდეგ მიღებული ნებისმიერი წინადადება დამკვეთის მიერ გამოცხადდება დაგვიანებულად, უარყოფილი იქნება და გაუხსნელად დაუბრუნდება პრეტენდენტს.
- 24. სატენდერო წინადადების გამოხმობა, ჩანაცვლება და მოდიფიცირება**
- 24.1. სატენდერო წინადადების წარდგენის შემდეგ პრეტენდენტს შეუძლია ამ წინადადების გამოხმობა, ჩანაცვლება ან მოდიფიცირება, უფლებამოსილი წარმომადგენლის მიერ სათანადოდ ხელმოწერილი წერილობითი შეტყობინების გაგზავნის საშუალებით. ეს შეტყობინება უნდა მოიცავდეს უფლებამოსილების დამადასტურებელი დოკუმენტის ასლს, **‘ინსტრუქციები პრეტენდენტებისათვის’** 20.3 პარაგრაფის შესაბამისად (გამონაკლისს წარმოადგენს ის შემთხვევა, როდესაც გამოხმობის შესახებ შეტყობინება არ ითხოვს ასლებს). სატენდერო წინადადების შესაბამის

გამოხმობას, ან მოდიფიცირებას, თან უნდა ახლდეს შესაბამისი წერილობითი შეტყობინება. ყველა შეტყობინება:

(ა) უნდა მომზადდეს და წარდგენილი უნდა იქნას „ინსტრუქციები პრეტენდენტებისათვის“ მე-20 და 21-ე პარაგრაფების შესაბამისად (გამონაკლისს წარმოადგენს ის შემთხვევა, როდესაც გამოხმობის შესახებ შეტყობინება არ მოითხოვს ასლებს) და კონვერტებზე უნდა იყოს შესაბამისი აღნიშვნა: „გამოხმობა“, „ჩანაცვლება“, „მოდიფიცირება“; და

(ბ) მიღებული უნდა იქნას დამკვეთის მიერ, სატენდერო წინადადებების წარდგენის ბოლო ვადის გასვლამდე, „ინსტრუქციები პრეტენდენტებისათვის“ 22-ე პარაგრაფის შესაბამისად.

24.2. „ინსტრუქციები პრეტენდენტებისათვის“ 24.1 პარაგრაფის შესაბამისად გამოხმობილი სატენდერო წინადადები გაუხსნელად უნდა დაუბრუნდეს პრეტენდენტებს.

24.3. დაუშვებელია სატენდერო წინადადებების გამოხმობა, ჩანაცვლება ან მოდიფიცირება შუალედურ პერიოდში - სატენდერო წინადადებების წარდგენის საბოლოო ვადასა და სატენდერო წინადადებების მოქმედების ვადის (რომელიც სატენდერო განაცხადშია მითითებული) ან მისი გაგრძელების ვადის გასვლას შორის.

25. სატენდერო წინადადებები ს გახსნა

25.1. გარდა „ინსტრუქციები პრეტენდენტებისათვის“ 23-ე და 24.2 პარაგრაფებში აღნიშნული შემთხვევებისა, დამკვეთმა „ინსტრუქციები პრეტენდენტებისათვის“ შესაბამისად, საჯაროდ უნდა გახსნას და წაიკითხოს ბოლო ვადისათვის მიღებული ყველა სატენდერო წინადადება, იმ დღეს, იმ საათსა და იმ ადგილზე, როგორც **სატენდერო მონაცემთა ნუსხაშია** მითითებული, პრეტენდენტების მიერ დანიშნული წარმომადგენლების და იმ ნებისმიერი პირის თანდასწრებით, ვინც მოისურვებს დასწრებას. ელექტრონული ფორმატით წარდგენილი ნებისმიერი კონკრეტული სატენდერო წინადადების გახსნის პროცედურები (რომლებიც საჭიროა იმ შემთხვევაში, თუ სატენდერო წინადადების ელექტრონული ფორმატით წარდგენა ნებადართულია „ინსტრუქციები პრეტენდენტებისათვის“ 22.1 პარაგრაფის შესაბამისად)

უნდა წარიმართოს სატენდერო მონაცემთა ნუსხაში აღნიშნული პრცედურების შესაბამისად.

- 25.2. პირველად, გახსნილი და წაკითხული უნდა იქნას ის კონვერტები, რომლებზედაც არის აღნიშვნა `გამოხმობა` და ამ სატენდერო წინადადების კონვერტი გაუხსნელად უნდა დაუბრუნდეს პრეტენდენტს. დაუშვებელია სატენდერო წინადადების გამოხმობა, თუ გამოხმობის შესახებ შეტყობინებას არ ახლავს გამოხმობის მოთხოვნის უფლებამოსილების დამადასტურებელი დოკუმენტი, რომელიც წაკითხული უნდა იქნას სატენდერო წინადადებების გახსნის დროს.
- 25.3. შემდეგ, უნდა გაიხსნას და წაკითხული იქნას კონვერტები აღნიშვნით `ჩანაცვლება` და მათში ჩადებული სატენდერო წინადადება უნდა ჩაენაცვლოს ადრე წარდგენილს. ჩანაცვლებული სატენდერო წინადადება გაუხსნელად უნდა დაუბრუნდეს პრეტენდენტს. დაუშვებელია სატენდერო წინადადების ჩანაცვლება, თუ ჩანაცვლების შესახებ შეტყობინებას არ ახლავს ჩანაცვლების მოთხოვნის უფლებამოსილების დამადასტურებელი დოკუმენტი, რომელიც წაკითხული უნდა იქნას სატენდერო წინადადებების გახსნის დროს.
- 25.4. კონვერტი აღნიშვნით `მოდифიცირება` გახსნილი და წაკითხული უნდა იქნას შესაბამის სატენდერო წინადადებასთან ერთად. დაუშვებელია სატენდერო წინადადების მოდიფიცირება, თუ მოდიფიცირების შესახებ შეტყობინებას არ ახლავს მოდიფიცირების მოთხოვნის უფლებამოსილების დამადასტურებელი დოკუმენტი, რომელიც წაკითხული უნდა იქნას სატენდერო წინადადებების გახსნის დროს. შემდგომ განხილვას ექვემდებარება მხოლოდ ის კონვერტები, რომლებიც გახსნილი და წაკითხული იქნა სატენდერო წინადადებების გახსნის დროს.
- 25.5. ყველა დანარჩენი კონვერტი სათითაოდ უნდა იქნას გახსნილი და ამოკითხული: პრეტენდენტის სახელი და არის თუ არა შეტანილი მასში მოდიფიკაცია; სატენდერო წინადადების საერთო ღირებულება, ცალკეული ლოტისათვის (კონტრაქტისთვის), ასეთის არსებობის

შემთხვევაში, ნებისმიერი ფასდაკლების და ალტერნატიული სატენდერო წინადადებების ჩათვლით; სატენდერო წინადადების გარანტიის ან სატენდერო წინადადების საგარანტიო დეკლარაციის არსებობა ან არარსებობა, მათი საჭიროების შემთხვევაში; და ნებისმიერი სხვა ინფორმაცია, რომელსაც დამკვეთი მიზანშეწონილად მიიჩნევს.

25.6. შემდგომ შეფასებას დაემქვემდებარება მხოლოდ ის სატენდერო წინადადებები, ალტერნატიული სატენდერო წინადადებები და ფასდაკლებები, რომლებიც გახსნილი და ამოკითხული იქნება სატენდერო წინადადებების გახსნის დროს. დამკვეთის იმ წარმომადგენლებმა, რომლებიც ესწრებიან სატენდერო წინადადების გახსნის პროცესს, საკუთარი ინიციალები უნდა დაასვან სატენდერო განაცხადს და გაფასებებს, **სატენდერო მონაცემთა ნუსხაში** აღნიშნული ფორმით.

25.7. დამკვეთს არ აქვს უფლება, განიხილოს რომელიმე სატენდერო წინადადების დამსახურებები, ან უარყოს რომელიმე სატენდერო წინადადება (გარდა დაგვიანებული სატენდერო წინადადებებისა, „ინსტრუქციები პრეტენდენტებისათვის“ 23.1 პარაგრაფის შესაბამისად).

25.8. დამკვეთმა უნდა შეადგინოს სატენდერო წინადადებების გახსნის ოქმი, რომელშიც როგორც მინიმუმ, აღნიშნული უნდა იყოს:

- (ა) პრეტენდენტის სახელი და განხორციელდა თუ არა წინადადების გამოხმობა, ჩანაცვლება ან მოდიფიცირება;
- (ბ) სატენდერო წინადადების ფასი ცალკეული ლოტის (კონტრაქტის) მიხედვით, ყველა ფასდაკლების ჩათვლით;
- (გ) სატენდერო წინადადების გარანტიის, ან სატენდერო წინადადების საგარანტიო დეკლარაციის არსებობა-არარსებობა, თუ ამგვარი გარანტია მოთხოვნილი იყო; და
- (დ) ნებისმიერი ალტერნატიული სატენდერო წინადადება.

25.9. პრეტენდენტების წარმომადგენლებს, რომლებიც ესწრებიან სატენდერო წინადადებების გახსნას, მოეთხოვებათ ზემოაღნიშნული ოქმის ხელმოწერა. ოქმზე პრეტენდენტის ხელმოწერის არარსებობა არ აუქმებს ოქმის შინაარსსა და იურიდიულ ძალას. ოქმის ასლი უნდა დაურიგდეს ყველა პრეტენდენტს.

ე. სატენდერო წინადადებების შეფასება და შედარება

26. კონფიდენციალურობა

26.1. სატენდერო წინადადებების შეფასების, და კონტრაქტის მინიჭების შესახებ ინფორმაცია არ უნდა ეცნობოს პრეტენდენტებს ან ნებისმიერ სხვა პირს, რომელიც სატენდერო პროცესში ოფიციალურად არ არის ჩართული, კონტრაქტის მინიჭების შესახებ შეტყობინების გამოქვეყნებამდე.

26.2. პრეტენდენტის ნებისმიერმა მცდელობამ გავლენა მოახდინოს დამკვეთის მიერ სატენდერო წინადადების შეფასებასა და კონტრაქტის მინიჭების შესახებ გადაწყვეტილების მიღებაზე, შეიძლება გამოიწვიოს სატენდერო წინადადების უარყოფა.

26.3. “ინსტრუქციები პრეტენდენტებისათვის” 26.2 პარაგრაფის დებულებების მიუხედავად, სატენდერო წინადადებების გახსნიდან კონტრაქტის მინიჭებამდე პერიოდში თუ პრეტენდენტი მოინდომებს დამკვეთთან დაკავშირებას სატენდერო პროცესთან დაკავშირებულ რაიმე საკითხზე, მას ამის გაკეთება შეუძლია მხოლოდ წერილობითი ფორმით.

27. სატენდერო წინადადების განმარტება

27.1. სატენდერო წინადადების შესწავლაში, შეფასებასა და შედარებაში, ასევე, გამოცდილების განსაზღვრისათვის დახმარების მიზნით, დაკვეთმა საკუთარი შეხედულებისამებრ შეიძლება მოსთხოვოს პრეტენდენტს სატენდერო წინადადების განმარტების წარმოდგენა გონივრულ ვადებში. პრეტენდენტის მიერ წარმოდგენილი განმარტება, რომელიც არ წარმოადგენს დამკვეთის მოთხოვნაზე პასუხს, არ იქნება განხილული. დამკვეთის მოთხოვნა განმარტების წარმოდგენის შესახებ და პრეტენდენტის პასუხი წერილობით უნდა განხორციელდეს. აკრძალულია ფასების ნებისმიერი თვითნებური გაზრდა ან შემცირება, ან სატენდერო

წინადადების შინაარსის ცვლილების მოთხოვნა, შეთავაზება ან დაშვება, გამონაკლისს წარმოადგენს მხოლოდ ის შემთხვევები, როდესაც საჭიროა დამკვეთის მიერ სატენდერო წინადადების შეფასების დროს აღმოჩენილი არითმეტიკული შეცდომების გასწორების დადასტურება `ინსტრუქციები პრეტენდენტებისათვის` 31-ე პარაგრაფის შესაბამისად.

27.2. თუ პრეტენდენტი არ წარმოადგენს სატენდერო წინადადების განმარტებას იმ თარიღისა და დროისათვის, რომელსაც დამკვეთი მიუთითებს განმარტების შესახებ მოთხოვნაში, მისი სატენდერო წინადადება შეიძლება უარყოფილი იქნას.

28. გადახრები, დათქმები და გამოტოვებები

28.1. სატენდერო წინადადებების შეფასების დროს გამოყენებული იქნება შემდეგი განსაზღვრებები:

(ა) „გადახრა“ ნიშნავს სატენდერო დოკუმენტაციაში დადგენილი მოთხოვნებიდან გადახვევას;

(ბ) „დათქმა“ ნიშნავს რაიმე შემზღუდავი პირობების დაწესებას ან სატენდერო დოკუმენტაციაში განსაზღვრული მოთხოვნების სრულად მიღებაზე უარის თქმას.

(გ) „გამოტოვება“ ნიშნავს, რომ ნაწილობრივ ან მთლიანად არ არის წარმოდგენილი სატენდერო დოკუმენტაციაში მოთხოვნილი ინფორმაცია და დოკუმენტები.

29. შესაბამისობის დადგენა

29.1. დამკვეთის მიერ სატენდერო წინადადების შესაბამისობის დადგენა უნდა ეფუძნებოდეს თვითონ სატენდერო წინადადების შინაარსს, როგორც განსაზღვრულია „ინსტრუქციები პრეტენდენტებისათვის“ მე-11 პარაგრაფში.

29.2. სატენდერო წინადადება არსებითად შესაბამისად ითვლება იმ შემთხვევაში, თუ ის პასუხობს სატენდერო დოკუმენტაციის მოთხოვნებს რაიმე არსებითი ხასიათის გადახრების, დათქმების ან გამოტოვების გარეშე. არსებითი ხასიათის გადახრა, დათქმა ან გამოტოვება არის იმგვარი გადახრა, დათქმა ან გამოტოვება, რომელიც:

(ა) მისი მიღების შემთხვევაში:

(i) არსებით გავლენას მოახდენს კონტრაქტში მითითებული სამუშაოების მოცულობაზე, ხარისხზე ან განხორციელებაზე; ან

(ii) არსებითად შეზღუდავს, სატენდერო დოკუმენტაციის მოთხოვნების შეუსაბამოდ, დამკვეთის უფლებებს ან პრეტენდენტის ვალდებულებებს, შემოთავაზებული კონტრაქტის ფარგლებში; ან

(ბ) მისი გასწორების შემთხვევაში, ის უსამართლო ზეგავლენას მოახდენს იმ პრეტენდენტების კონკურენტუნარიანობაზე, რომლებმაც არსებითად შესაბამისი სატენდერო წინადადებები წარმოადგინეს.

29.3. დამკვეთი შეისწავლის სატენდერო წინადადების ტექნიკურ ასპექტებს, „ინსტრუქციები პრეტენდენტებისათვის“ მე-16 პარაგრაფის „ტექნიკური წინადადება“ შესაბამისად, იმაში დასარწმუნებლად, რომ ის აკმაყოფილებს VII თავის (სამუშაოთა მოთხოვნები) ყველა მოთხოვნას, რაიმე არსებითი გადახრის, დათქმის ან გამოტოვების გარეშე.

29.4. თუ სატენდერო წინადადება არსებითად არ შეესაბამება სატენდერო დოკუმენტაციის მოთხოვნებს, ის უარყოფილი უნდა იქნას დამკვეთის მიერ და დაუშვებელია მისი შესაბამისობაში მოყვანა არსებითი ხასიათის გადახრების, დათქმებისა და გამოტოვებების გასწორების გზით.

30. უმნიშვნელო შეუსაბამობები

30.1. თუ სატენდერო წინადადება არსებითად შეესაბამება მოთხოვნებს, დამკვეთს შეუძლია სატენდერო წინადადებაში არსებული შეუსაბამობების იგნორირება.

30.2. თუ სატენდერო წინადადება არსებითად შეესაბამება მოთხოვნებს, დამკვეთს შეუძლია მოითხოვოს პრეტენდენტისაგან მისაღებ ვადებში იმ ინფორმაციისა და დოკუმენტაციის წარდგენა, რომელიც საჭიროა სატენდერო წინადადების დოკუმენტაციის მოთხოვნებთან დაკავშირებული უმნიშვნელო ხასიათის შეუსაბამობების გასასწორებლად. ინფორმაციის ან დოკუმენტაციის წარდგენის მოთხოვნა ამგვარ შეუსაბამობებთან დაკავშირებით არ უნდა ეხებოდეს სატენდერო წინადადების ფასის რაიმე ასპექტს. პრეტენდენტის მიერ ზემოაღნიშნული მოთხოვნის დაუკმაყოფილებლობის შემთხვევაში, მისი სატენდერო წინადადება შეიძლება უარყოფილი იქნას.

30.3. თუ სატენდერო წინადადება არსებითად შეესაბამება მოთხოვნებს, დამკვეთმა უნდა გაასწოროს სატენდერო წინადადების ფასთან დაკავშირებული უმნიშვნელო ხასიათის რაოდენობრივი შეუსაბამობა. ამ მიზნით დასაშვებია სატენდერო წინადადების ფასის კორექტირება გამოტოვებული ან შეუსაბამო მუხლის ან კომპონენტის ფასის საჩვენებლად, მხოლოდ შედარების მიზნებისათვის, რაც განხორციელდება არსებითად შესაბამისი პრეტენდენტების მიერ კოტირებული პუნქტის, ან კომპონენტის საშუალო ფასის დამატებით. თუ პუნქტის, ან კომპონენტის ფასის მიღება შეუძლებელია სხვა არსებითად შესაბამისი სატენდერო წინადადებების ფასიდან, დამკვეთი გამოიყენებს მის საუკეთესოგამოანგარიშებას.

31. არითმეტიკული შეცდომების გასწორება

31.1 იმ შემთხვევაში, თუ სატენდერო წინადადება არსებითად შეესაბამება მოთხოვნებს, დამკვეთი გაასწორებს არითმეტიკულ შეცდომებს შემდეგ საფუძველზე:

(ა) მხოლოდ აზომვითი (ერთეულფასიანი) კონტრაქტებისათვის, თუ არსებობს შეუსაბამობა ერთეულ განფასებასა და ამ განფასების მოცულობაზე გამრავლების შედეგად მიღებულ მთლიან ფასს შორის, უპირატესობა ენიჭება ერთეულ განფასებას და მთლიანი ფასი შესწორებული უნდა იქნას. გამონაკლისს წარმოადგენს ის შემთხვევა, როდესაც, დამკვეთის აზრით, ერთეულ განფასებაში გადაადგილებულია ათწილადის აღმნიშვნელი წერტილი (ნიშანი) და მაშინ უპირატესობა ენიჭება მთლიან ფასს და ერთეული განფასება უნდა შესწორდეს.

(ბ) თუ დაშვებულია შეცდომა ქვეჯამების შეკრება-გამოკლების შედეგად მიღებულ მთლიან ფასში, უპირატესობა ენიჭება ქვეჯამებს და მთლიანი ფასი უნდა გასწორდეს.

(გ) თუ არსებობს შეუსაბამობა თანხის რიცხობრივ და სიტყვიერ აღნიშვნას შორის, უპირატესობა ენიჭება სიტყვიერ აღნიშვნას. გამონაკლისს წარმოადგენს ის შემთხვევა, როდესაც სიტყვიერად აღნიშნული თანხა არითმეტიკულ შეცდომასთან არის დაკავშირებული და მაშინ უპირატესობა ენიჭება თანხის რიცხობრივ აღნიშვნას ზემოთ მოყვანილი (ა) და (ბ) ქვეპარაგრაფების შესაბამისად.

31.2 პრეტენდენტებს უნდა ეთხოვოთ, თანხმობა განაცხადონ არითმეტიკული შეცდომების შესწორებაზე. „ინსტრუქციები

პრეტენდენტებისათვის“ 31.1 პარაგრაფის შესაბამისად, შესწორებაზე უარის თქმა გამოიწვევს სატენდერო წინადადების უარყოფას.

- 32. ერთიან ვალუტაში გადაყვანა** 32.1 შეფასებისა და შედარების მიზნებისთვის წინადადების ვალუტა(ები) გადაყვანილ იქნება ერთიან ვალუტაში, როგორც ეს მითითებულია სატენდერო მონაცემთა ნუსხაში.
- 33. ადგილობრივი შეღავათი** 33.1 თუკი სხვაგვარად არ არის მითითებული სატენდერო მონაცემთა ნუსხაში, ადგილობრივი შეღავათი არ გამოიყენება.
- 34. ქვეკონტრაქტორები** 34.1. თუკი სხვაგვარად არ არის მითითებული სატენდერო მონაცემთა ნუსხაში, დამკვეთს არ სურს, რომ კონკრეტული სამუშაოები კონტაქტორმა დასახელებულ ქვეკონტრაქტორებს შეასრულებინოს.
- 34.2 თუ ქვეკონტრაქტორები შემოთავაზებულია მე-3 ნაწილის (შეფასება და კვალიფიკაცია) 2.4.2 კრიტერიუმებით განსაზღვრულ ძირითად სამუშაოებთან მიმართებაში, აღნიშნული ქვეკონტრაქტორები უნდა ჩაითვალოს „სპეციალისტ ქვეკონტრაქტორებად“ და დააკმაყოფილონ შესაბამისი, ძირითადი სამუშაოებისთვის განსაზღვრულ საკვალიფიკაციო მოთხოვნები.
- 35. სატენდერო წინადადებების შეფასება და შედარება** 35.1. დამკვეთმა უნდა გამოიყენოს მხოლოდ ამ პარაგრაფით დადგენილი კრიტერიუმები და მეთოდოლოგია. იკრძალება შეფასების სხვა კრიტერიუმებისა და მეთოდოლოგიის გამოყენება.
- 35.2. სატენდერო წინადადების შეფასების დროს, დამკვეთმა უნდა გაითვალისწინოს შემდეგი:
- (ა) სატენდერო წინადადების ფასი, რომელსაც გამოაკლდება წინასწარი თანხები (Provisional Sums) და გაუთვალისწინებელი თანხები, ასეთის არსებობის შემთხვევაში, რაც მითითებულია სამუშაოთა მოცულობების უწყისის ნაკრებ ხარჯთაღრიცხვაში (აზომვითი კონტრაქტების შემთხვევაში) ან ფასების ცხრილში (ფიქსირებულგადახდებიან კონტრაქტში), მაგრამ გათვალისწინებული იქნება დღიური სამუშაოების ღირებულება, თუკი ის განფასებულია კონკურენტულად;

(ბ) ფასის შესწორება არითმეტიკული შეცდომების კორექტირების მიზნით "ინსტრუქციები პრეტენდენტებისათვის" 31.1 პარაგრაფის შესაბამისად;

(გ) ფასის შესწორება იმ ფასდაკლების გათვალისწინებით, რომელიც შემოთავაზებული იქნა "ინსტრუქციები პრეტენდენტებისათვის" 14.4 პარაგრაფის შესაბამისად;

(დ) ზემოაღნიშნული (ა)-დან (გ)-მდე პუნქტებით მიღებული თანხის კონვერტაცია ერთიან ვალუტაში "ინსტრუქციები პრეტენდენტებისათვის" 32 პარაგრაფის შესაბამისად, საჭიროების შემთხვევაში;

(ე) იმის შეფასება, არის თუ არა წინადადება არაადეკვატურად დაბალი "ინსტრუქციები პრეტენდენტებისათვის" 36 პარაგრაფის შესაბამისად; და

(ვ) მე-3 თავში (შეფასების და კვალიფიკაციების კრიტერიუმები) მითითებული შეფასების ფაქტორების გამოყენება.

35.3. სატენდერო წინადადების შეფასების დროს არ უნდა იქნას გათვალისწინებული კონტრაქტის პირობებში გამოყენებული ფასების ინდექსაციის დებულებების სავარაუდო ზემოქმედება, რომლებიც ვრცელდება კონტრაქტის განხორციელების დროს.

35.4. თუ სატენდერო დოკუმენტაციის შესაბამისად ნებადართულია პრეტენდენტის მიერ ცალ-ცალკე ფასების კოტირება სხვადასხვა ლოტებისთვის (კონტრაქტებისათვის), კონტრაქტის კომბინაციების ყველაზე დაბალი ფასი (სატენდერო წინადადებაში შემოთავაზებული ფასდაკლების ჩათვლით) უნდა განისაზღვროს 3 თავში (შეფასებისა და კვალიფიკაციის კრიტერიუმები) მოცემული მეთოდოლოგიის შესაბამისად.

35.5. დამკვეთმა უნდა შეადაროს ყველა არსებითად დამაკმაყოფილებელი წინადადება, რათ განსაზღვროს უმდაბლესი შეფასებული წინადადება, „ინსტრუქციები პრეტენდენტებისათვის" 35.2 პარაგრაფის შესაბამისად.

36. არაადეკვატურად დაბალ 36.1. სატენდერო წინადადება არაადეკვატურად დაბალფასიანად ჩაითვლება იმ შემთხვევაში, თუ

**ფასიანი
სატენდერო
წინადადებები**

სატენდერო წინადადების ფასი, სატენდერო წინადადების შემადგენელ სხვა ელემენტებთან კომბინაციაში, დაუსაბუთებლად და იმდენად დაბალია, რომ სატენდერო წინადადების ფასი წარმოშობს კითხვებს იმასთან დაკავშირებით, შეძლებს თუ არა პრეტენდენტი კონტრაქტის განხორციელებას, სატენდერო წინადადების შემოთავაზებული ფასით.

36.2. როდესაც შემოთავაზებული წინადადების ფასი ჩანს არაადეკვატურად დაბალი, დამკვეთმა უნდა მიმართოს შემდეგ სამნაბიჯიან შემოწმების პროცესს:

(ა) დაადგინოს არაადეკვატურად დაბალი ხარჯები და ერთეულის ფასები სავარაუდო (წინასწარ) ღირებულებასთან შედარებით, ან სხვა არსებითად მისაღებ წინადადებებთან შედარებით, ან ბოლო პერიოდში მინიჭებულ მსგავს კონტრაქტებთან შედარებით;

(ბ) დააზუსტოს და გააანალიზოს პრეტენდენტის რესურსები და განფასებები, მათ შორის, ზედნადები ხარჯები, გაუთვალისწინებელი ხარჯები და მოგების მარჟა; და

(გ) გადაწყვიტოს, მიიღოს, თუ უარყოს წინადადება.

36.3. ზემოაღნიშნულ 36.2 (ბ) პუნქტთან დაკავშირებით, With regard to ITB 36.2 (b) above პოტენციურად არაადეკვატურად დაბალფასიანი სატენდერო წინადადების გამოვლენის შემთხვევაში, დამკვეთმა უნდა მოთხოვოს პრეტენდენტს წერილობითი განმარტებების წარმოდგენა, სადაც მოცემული იქნება სატენდერო წინადადების ფასის დეტალური ფინანსური ანალიზი, კონტრაქტის შემადგენლობასთან, მოცულობასთან, შემოთავაზებულ მეთოდოლოგიასთან, გრაფიკთან, რისკების და პასუხისმგებლობების განაწილებასთან და სატენდერო დოკუმენტის სხვა მოთხოვნებთან მიმართებაში. ეს ასევე შეიძლება მოიცავდეს წარმოების პროცესის ეკონომიასთან, გასაწევ მომსახურებასთან, ან გამოსაყენებელ სამშენებლო მეთოდთან დაკავშირებულ ინფორმაციას; შემოთავაზებულ ტექნიკურ გადაწყვეტილებებს, და პრეტენდენტისთვის ნებისმიერ

შელავათიან პირობებს შემოთავაზებულ სამუშაოებთან, აღჭურვილობასთან და მომსახურებასთან დაკავშირებით.

36.4 ტენდერის მონაწილის მიერ წარმოდგენილი განმარტების შესწავლის და ფასის დეტალური ანალიზის შემდეგ, დამკვეთს შეუძლია:

(ა) მიიღოს სატენდერო წინადადება, თუ წარმოდგენილი მონაცემები დამაკმაფილებლად დაასაბუთებს სატენდერო წინადადების დაბალ ფასს და ხარჯებს, რა შემთხვევაშიც, სატენდერო წინადადება არაბუნებრივად დაბალი ფასის მქონედ არ იქნება მიჩნეული;

(ბ) მიიღოს სატენდერო წინადადება, მაგრამ მოითხოვოს შესრულების გარანტიის თანხის გაზრდა ტენდერის მონაწილის ხარჯზე ისეთი მოცულობით, რაც საკმარისი იქნება დამკვეთის ფინანსური ზარალისგან დასაცავად. ზოგადად, შესრულების გარანტიის თანხა არ უნდა აღემატებოდეს კონტრაქტის ღირებულების 20%-ს; ან

(გ) უარყოს სატენდერო წინადადება, თუ წარმოდგენილი მონაცემები არადამაკმაფილებლად დაასაბუთებს სატენდერო წინადადების დაბალ ფასს და გამოიყენოს იგივე მიდგომა მომდევნო სატენდერო წინადადებასთან მიმართებაში, საჭიროებისამებრ.

37. დაუბალანსებელი წინადადებები, ან წინადადებები საწყის ეტაპზე ფასის ხელოვნური ზრდით

37.1 თუ წარმოდგენილი სატენდერო წინადადება შეფასებულია ყველაზე დაბალი ფასის მქონედ, მაგრამ დამკვეთის აზრით, აღნიშნული სატენდერო წინადადება დაუბალანსებელი, ან ისეთია, რომელშიც აღინიშნება საწყისი ეტაპის სამუშაოების ხელოვნური ზრდა დამკვეთს შეუძლია მოთხოვოს პრეტენდენტს, წერილობითი განმარტებები. განმარტებები შესაძლოა მოიცავდეს დეტალურ ფინანსურ ანალიზს, კონტრაქტის შემადგენლობასთან, მოცულობასთან, მომზადებულ მეთოდოლოგიასთან, გრაფიკთან, რისკების და პასუხისმგებლობების განაწილებასთან და სატენდერო დოკუმენტის სხვა მოთხოვნებთან მიმართებაში.

37.2 პრეტენდენტის მიერ წარმოდგენილი ინფორმაციის და ფასების დეტალური ანალიზის შეფასების შემდეგ, დამკვეთს შეუძლია:

(ა) მიიღოს სატენდერო წინადადება; ან

- (ბ) მოითხოვოს შესრულების გარანტიის თანხის გაზრდა პრეტენდენტის ხარჯზე იმ ოდენობამდე, რაც საკმარისი იქნება დამკვეთის ფინანსური დანაკარგების დასაფარად წარმატებული პრეტენდენტის მიერ კონტრაქტის შეუსრულებლობის შემთხვევაში, „ინსტრუქციები პრეტენდენტებისათვის“ 44.2 პარაგრაფის პირობების გათვალისწინებით; ან
- (გ) უარყოს სატენდერო წინადადება და განახორციელოს მომდევნო წინადადების ანალოგიური დეტერმინაცია.

38. პრეტენდენტის კვალიფიკაცია

- 38.1 დამკვეთმა უნდა დაადგინოს აკმაყოფილებს თუ არა ის პრეტენდენტი, რომელმაც ყველაზე დაბალი შეფასებული ფასის მქონე და არსებითად შესაბამისი სატენდერო წინადადება წარმოადგინა, III თავში (შეფასება და საკვალიფიკაციო კრიტერიუმები) მოცემულ საკვალიფიკაციო კრიტერიუმებს.
- 38.2 რეტენდენტის კვალიფიკაციის შეფასება უნდა ეფუძნებოდეს „ინსტრუქციები პრეტენდენტებისათვის“ 17 პარაგრაფის შესაბამისად პრეტენდენტის მიერ წარმოდგენილ მისი კვალიფიკაციის დამადასტურებელი დოკუმენტების შესწავლას. თუკი არ არის განსაზღვრული სატენდერო მონაცემთა ნუსხაში, შეფასების პროცესში სხვა კომპანიების, როგორცაა პრეტენდენტის შვილობილი კომპანიების, დამფუძნებელი კომპანიების, ფილიალების, ქვე-კონტრაქტორების, ან სხვა ფირმის (ფირმების), რომლებიც განსხვავდება პრეტენდენტისგან, კვალიფიკაცია არ უნდა იქნას გათვალისწინებული.
- 38.3 კვალიფიკაციის დადებითად შეფასება წარმოადგენს პრეტენდენტისათვის კონტრაქტის მინიჭების წინაპირობას. დამკვეთი იტოვებს უფლებას უარყოს ნებისმიერი პრეტენდენტის წინადადება, რომელიც აღმოჩნდება კონტრაქტის ზოგადი პირობების 73.2(გ) პუნქტით გათვალისწინებულ გარემოებებში. უარყოფითი შეფასების შემთხვევაში მოხდება სატენდერო წინადადების დისკვალიფიკაცია და დამკვეთი უნდა გადავიდეს მოთხოვნების არსებითად დამაკმაყოფილებელი სატენდერო წინადადება , ყველაზე დაბალი ფასის მქონე წინადადების

განხილვაზე და დაადგინოს მისი წარმომდგენი პრეტენდენტის კონტრაქტის დამაკმაყოფილებლად შესრულებისთვის საჭირო კვალიფიკაცია.

- 39. დამკვეთის უფლება მიიღოს ნებისმიერი წინადადება და უარყოს ნებისმიერი ან ყველა წინადადება**
- 39.1 დამკვეთი იტოვებს უფლებას კონტრაქტის მინიჭებამდე ნებისმიერ დროს მიიღოს ან უარყოს ნებისმიერი სატენდერო წინადადება და მოახდინოს ტენდერის პროცედურის ანულორება და უარყოს ყველა სატენდერო წინადადება პრეტენდენტთა წინაშე რაიმე პასუხისმგებლობის გარეშე. ანულორების შემთხვევაში სატენდერო წინადადებები და მათი გარანტიები სასწრაფოდ უნდა დაუბრუნდეს პრეტენდენტებს.
- 40. შეტყობინება კონტრაქტის მინიჭების განზრახვის შესახებ**
- 40.1. თუკი სატენდერო მონაცემთა ნუსხით განსაზღვრულია დაყოვნების პერიოდი, მისი ხანგრძლივობა განისაზღვრება სატენდერო მონაცემთა ნუსხით, სადაც მიეთითება კონტრაქტის მინიჭების განზრახვის შესახებ შეტყობინებიდან (სანამ მიენიჭება კონტრაქტი) პერიოდი, რომლის განმავლობაშიც წარუმატებელ პრეტენდენტს შეუძლია გაასაჩივროს მოსალოდნელი კონტრაქტის მინიჭება.

ვ. კონტრაქტის მინიჭება

- 41. მინიჭების კრიტერიუმები**
- 41.1. დამკვეთი მინიჭებს კონტრაქტს პრეტენდენტს, რომლის სატენდერო წინადადება “ინსტრუქციები პრეტენდენტებისათვის” 35 და 37 პარაგრაფების შესაბამისად ჩაითვლება უმდაბლეს შეფასებულ წინადადებად და რომელიც არსებითად შესაბამისია სატენდერო დოკუმენტებთან, იმ პირობით, რომ პრეტენდენტი კვალიფიციურია კონტრაქტის წარმატებით შესასრულებლად.
- 42. შეტყობინება კონტრაქტის მინიჭების შესახებ**
- 42.1. სატენდერო წინადადების მოქმედების ვადის გასვლამდე და დაყოვნების პერიოდის ვადის ამოწურვის შემდეგ „ინსტრუქციები პრეტენდენტებისათვის“ 40.1 პარაგრაფის შესაბამისად, და დაყოვნების პერიოდში შემოსული საჩივრის დამაკმაყოფილებლად გადაწყვეტის

შემდეგ (თუკი ეს დაშვებულია), დამკვეთი წარმატებულ პრეტენდენტს გაუგზავნის შეტყობინებას კონტრაქტის მინიჭების შესახებ, მე-9 თავში (კონტრაქტის ფორმები) მოცემული ფორმის გამოყენებით, რომ მისი წინადადება მიღებულია. იმავდროულად, დამკვეთი ტენდერის შედეგებს შეატყობინებს ასევე სხვა პრეტენდენტებს.

42.2. თუკი დაყოვნების პერიოდი არ გამოიყენება, კონტრაქტის მინიჭების შეტყობინების შემდეგ წარუმატებელ პრეტენდენტებს შეუძლიათ წერილობით მოსთხოვონ დამკვეთის განმარტება (დებრიფინგი), თუ რა საფუძვლებით არ იყო მათი წინადადება მიღებული. დამკვეთმა დროულად უნდა უპასუხოს წერილობით ან/და დებრიფინგის შეხვედრაზე ყველა წარუმატებელ პრეტენდენტს, რომელიც კონტრაქტის მინიჭების შესახებ შეტყობინების გამოქვეყნების შემდეგ მოითხოვს განმარტებას (დებრიფინგს).

42.3. ფორმალური კონტრაქტის მომზადებამდე და გაფორმებამდე მიღების წერილი წარმოადგენს იურიდიულად სავალდებულო ხელშეკრულებას.

42.4. კონტრაქტის მინიჭებიდან, ან დაყოვნების პერიოდიდან, სადაც ეს გამოიყენება, ან თუკი დაყოვნების პერიოდში შემოსული იყო საჩივარი, საჩივრის წარმატებით გადაწყვეტის შესახებ აგბ-ის დადასტურების მიღებიდან ორი კვირის განმავლობაში დამკვეთი გამოაქვეყნებს ინგლისურენოვან გაზეთში ან ფართოდ ცნობილ და უსასყიდლოდ ხელმისაწვდომ ვებგვერდზე შედეგებს, სადაც მიუთითებს ტენდერის და ლოტის ან პაკეტის ნომრებს, რომელიც მისაღებია, და შემდეგი სახის ინფორმაციას:

- (ა) თითოეული პრეტენდენტის დასახელება, რომელმაც წარმოადგინა სატენდერო წინადადება;
- (ბ) ტენდერის გახსნაზე ამოკითხული წინადადებების ფასები;
- (გ) თითოეული შეფასებული წინადადების დასახელება და შეფასებული ფასი;
- (დ) თითოეული პრეტენდენტის დასახელება, რომლის წინადადებაც იყო უარყოფილი და მათი უარყოფის საფუძვლები; და

(ე) გამარჯვებული პრეტენდენტის სახელი, მისი შეთავაზებული ფასი, ასევე მინიჭებული კონტრაქტის ხანგრძლივობა და შემაჯამებელი აღწერილობა.

- 43. კონტრაქტის ხელმოწერა**
- 43.1 შეტყობინებისთანავე დამკვეთმა წარმატებულ პრეტენდენტს უნდა გაუგზავნოს საკონტრაქტო შეთანხმება.
- 43.2 საკონტრაქტო შეთანხმების მიღებიდან ოცდარვა (28) დღის განმავლობაში გამარჯვებულმა პრეტენდენტმა მას ხელი უნდა მოაწეროს, დაათარილოს და დაუბრუნოს დამკვეთს.
- 44. შესრულების გარანტია**
- 44.1. დამკვეთისაგან მინიჭების შეტყობინების მიღებიდან ოცდარვა (28) დღის განმავლობაში, გამარჯვებულმა პრეტენდენტმა უნდა წარმოადგინოს კონტრაქტის შესრულების გარანტია, პრეტენდენტებისათვის კონტრაქტის ზოგადი პირობების შესაბამისად, „ინსტრუქციები პრეტენდენტებისათვის“ 36 და 37 პარაგრაფების გათვალისწინებით, მე-9 თავში (კონტრაქტის ფორმები) მოცემული კონტრაქტის შესრულების გარანტიის ფორმის ან დამკვეთისათვის მისაღები სხვა ფორმით. იმ შემთხვევაში, თუ კონტრაქტის შესრულების გარანტიას გასცემს ინსტიტუტი დამკვეთის ქვეყნის გარეთ, მას უნდა ჰყავდეს შესაბამისი ფინანსური ინსტიტუტი დამკვეთის ქვეყანაში, რომელიც უზრუნველყოფს მის აღსრულებას.
- 44.2. თუ გამარჯვებული პრეტენდენტი არ წარმოადგენს ზემოაღნიშნულ კონტრაქტის შესრულების გარანტიას ან ხელს არ მოაწერს ხელშეკრულებას, ეს გარემოებები წარმოადგენს საკმარის საფუძველს კონტრაქტის მინიჭების ანულისებისა და სატენდერო წინადადების გარანტიის ჩამორთმევისათვის. ამ შემთხვევაში დამკვეთს შეუძლია მიანიჭოს კონტრაქტი იმ პრეტენდენტს, რომელმაც წარმოადგინა შემდეგი ყველაზე ხელსაყრელი სატენდერო წინადადება.
- 44.3. ზემოაღნიშნული პირობა ასევე შეეხება ადგილობრივი შესრულების გარანტიის წარმოდგენას, თუკი იგი მოთხოვნილია.
- 45. შესყიდვასთან დაკავშირებული საჩივარი**
- 45.1. შესყიდვებთან დაკავშირებული საჩივრების წარმოდგენის პროცედურები მოცემულია სატენდერო მონაცემთა ნუსხაში.